

卷拾伍

中暑

痧症

霍亂

瘧疾

黃疸

瘟疫

蟲毒

卷拾陸

諸血

諸汗

邪怪

奇病

藥考

雜治

驗方新編

捌

驗方新編卷十五目錄

中暑

中暑論

夏天道路受熱昏倒

夏月身冷畏寒

痧症

各項痧症

霍亂

霍亂症

霍亂腹痛兩腿轉筋

中暑諸方

傷暑出丹

痧症諸方

霍亂諸方

霍亂轉筋入腹

霍亂煩渴

瘧疾

瘧疾須知

三陰瘧

三日瘧

二三日瘧年久不愈

隔年瘧

久瘧成痞

黃疸

五種黃疸

瘧疾三方

隔日瘧

久瘧不愈

久瘧虛極

三十年瘧

小兒久瘧不愈

發黃欲死不省人事

黃疸吐血

胸滿腹脹黃腫

瘟疫

瘟疫症

瘟疫諸方

瘟疫心腹疼痛

羊毛瘟

大頭瘟

辟瘟諸方

蠱毒

中蠱論脈

生蛇蠱

陰蛇蠱

浸筭水法

癩蠱

腫蠱

疔蠱

變疔論

目錄

中疔既變疔後食品

中疔既變疔後藥方

中害神

泥鰍蠱

石頭蠱

篋片蠱

金蠶蠱

中疔中蛇中腫中癩方諸

老人中蛇蠱方

通治蠱毒

辟蠱毒法

煙瘴

解烟瘴毒

辟烟瘴法

驗方新編卷十六目錄

諸血

七竅出血

口鼻出血不止

耳鼻流血不止

臍中出血並治齒上出血

毛孔出血不止

毛孔節次出血不出則皮脹如鼓頃刻口鼻眼目俱

脹

諸汗

止諸汗法

自汗

盜汗

身出黃汗

遍身搔癢

身癢難忍

風溼疹子

風熱疹子作癢心下悶

風熱疹子作癢成瘡

遍身瘙癢抓破見血

癩子癢痛 癩音會

癩子作癢抓之又痛難於坐卧

邪怪

男婦病邪與邪物交獨言獨笑悲哭恍惚

驅狐怪法

灸鬼法

制邪鬼法

辟鬼火法

鬼箭傷

增補驅邪怪法

奇病

頭頂生瘡五色形如櫻桃破則自頂分裂脫皮至足
眉毛搖動晝夜不眠呼喚不應飲食如常

頭面發熱身有光色

面腫如斗眼中見人只三寸長

見一物如有兩物

見一物如兩物三四物又見棹椅等物平正者視之

反歪斜歪斜者視之反平正

醉後嘔吐視物顛倒

眼見諸般飛禽走獸以手撲捉則無

馬方新編 卷十一
眼見五色之物忽又變成美女

愛食猪肉或生油生米

口鼻流出臭水以碗盛之內有魚蝦走動捉之卽化
爲水

口鼻中氣出不散凝如黑蓋過十日後漸至肩胸與
肉相連堅如鐵石

身發寒熱四肢堅硬如鐵敲之作鐘磬聲

週身皮肉內滾滾作波浪聲癢不可忍抓之血出

面如蟲行不時燒熱 身如蟲行癢不可忍

身如蛇蟲行走作癢或腹中蛇蟲鳴動

皮膚中如有蟹行走有聲如小兒啼哭

皮膚手足之間如蚯蚓鳴

週身發斑眼赤鼻脹氣喘毛髮硬如銅鐵

身上忽現蛇形痛不可忍

遍身肉出如錐癢而且痛不能飲食

遍身如燎炮如甘棠梨破則水流其泡復生內有小

石一片

自頭麻至心窩而死或自足心麻至膝蓋而死

臨臥遍身虱出血肉俱壞漸生漸多舌尖出血身齒

俱黑唇動鼻開

忽有人影與已隨行坐卧久則成形與已無異

人前不食背地偷食見人則避面色黃瘦

卧牀四肢不能舉動口說大話並喜說食物

瘡癩內有雀鳥出者有亂髮出者有瓜菜出者有雜

物出者

人生尾巴

藥物備要

雜治

治熱病法

困倦喜睡齒暗無色舌白昏昏不知痛癢處或下痢

或不下痢

沉悶無聊若有病狀

夜不能睡

飛絲纏身

身上無故生蛆

除虱子

辟臭蟲

辟蠹魚跳蚤虱子臭蟲白蟻蜈蚣

辟螞蟻

辟白蟻

辟蛇

辟蜈蚣

辟食屍蟲

收蚊蟲

耗鼠竊油

野豬踐食田禾

辟盜賊刀兵疾病鬼怪虎狼蛇蟲

避難時止涼兒啼哭

止火法

救饑法

行路不迷

夜行無恐

客路須知

暈船暈車

渡江胆怯

罪囚邪術避刑

造屋禳解

解酸酒法

製食物法

收藏食物

試井中毒

耐點燭法

留宿火法

各物污衣

墨污細綾皮棉衣服

墨污紙絹書畫

去墨法

去硃法

書被水浸

去書畫雨漏痕

辟穢氣

辟油漆氣

阿膠着物臭氣不退

禽獸諸疾

會通

報出

去

去

同

報

書

驗方新編卷之十五

中暑

與痧症霍亂各門參看

中暑論

中暑者靜而得之如避暑深堂大廈爲陰寒所遏暑不得越故也外症見身熱頭痛煩燥不安或咳嗽發熱汗出不止然必熱有進退脇下有汗方爲傷暑若久熱不止脇下無汗便是夏月傷寒症雖少見不可不詳辨而妄投湯藥也又腹痛嘔瀉爲胃暑宜涼解清和四肢困倦不思飲食爲熱傷元氣宜補忽然昏仆不省人事爲暑風宜清涼而加風經藥不可概從中暑治也

中暑諸方

蒜頭

貳顆 擘爛

取路上熱土

日曬熱處淨土 若汚泥不可用

攪新汲井水調勻

服一碗甚效

又方

黑芝蔴

炒

井水搗汁灌下即愈

又方

扁荳葉搗汁飲亦效

又方

六一散益元散

見內

外備用 諸方

均效

夏天道路受熱忽然昏倒

名中熱

又名切 中暈切

不可誤用冷水噴灌一受寒冷則不可救

急用稻草結爲長帶曲盤肚臍外用熱土搓碎圍之使人

撒尿其中令溫氣入腹久之自愈

又方

草紙捲成筒

點火向口鼻間熏之即活其效如神

又方

用布醮滾

水更換熨之熨臍與臍下三寸爲要醒後仍忌飲冷水飲
之復死 又方 皂角燒存性 生甘草各壹錢 共爲末溫水調
灌 又方 白礬末陰陽水調服一錢卽醒神效

傷暑出丹

凡暑月身熱昏沉未明症候恐是出丹用 生白扁荳數
粒食之如不知腥味則以生白扁荳水泡濕擘汁一小杯
調水一盞服之卽愈

夏月身冷畏寒

有人夏月身冷畏寒身蓋重被尙發抖戰一醫欲作傷寒
治之一醫以爲不可云是中暑用清暑益氣湯見內外備用諸方

調理而愈

凡夏月路上中暑中熱昏倒即取路上熱土和大蒜搗如泥用熱童便乘溫灌之無不立活切忌冷水

隨水一盞服之即愈飲亦效

又方

六一散益元散

蘇合之散茶吹服和服以生白扁豆水或葛根水一小杯凡暑月時感昏倒未醒盡澆服是出世用生白扁豆燻

蘇合

蘇合

蘇合

蘇合散 蘇合散 蘇合散 蘇合散 蘇合散 蘇合散 蘇合散 蘇合散 蘇合散 蘇合散

蘇合散 蘇合散 蘇合散 蘇合散 蘇合散 蘇合散 蘇合散 蘇合散 蘇合散 蘇合散

蘇合散 蘇合散 蘇合散 蘇合散 蘇合散 蘇合散 蘇合散 蘇合散 蘇合散 蘇合散

痧症

各項痧症

痧症有陰痧陽痧烏痧斑痧絞腸等症初起多半腹痛亦有並不痛只覺昏沉脹悶者切忌服薑急用南蛇藤草藥名煎水兌酒服之立可起死回生最爲神效若或吐或瀉者名霍亂症用之亦效仍照後霍亂門各方治之

痧症諸方

刮痧法 擇一光滑細口磁碗另用熱水一鍾入香油一二匙將碗口蘸油水令其煖而且滑兩手覆執其碗於病人背心上輕輕向下順刮切忌倒刮以漸加重碗乾則再蘸再

刮良久覺胸中脹滯下行始能出聲頃之腹中大響大瀉
如注其痛遂減睡後通身搔癢或發出疱疹遍身而愈今
有於頸臂刮痧者亦能治病然五臟之系均附於背向下
刮之邪氣隨降故毒深病重者非刮背不可也此爲痧症
起死回生簡便良方最靈最穩 又方 刺少商穴委中

穴二處其法見霍亂門 又方 以食鹽一握揉擦兩手

腕兩脇兩足心並心窩背心八處擦出許多紫紅點漸覺

鬆快而愈一切痧脹及中暑霍亂等症雖垂死亦活此第

一簡便良方也 又方 嫩車前草七根揉軟塞鼻孔內

男左女右 又方 用紅紙捻看身上如有紅斑紅點名

斑痧卽用燈火在斑點燒之務將斑點燒盡以免復發或

用食鹽二觔炒熱用青布裹作二包在胸腹及背上熨之

冷則隨換此法最妙再用蕎麥五錢煎服惟霍香正氣丸

斷不可服別項痧症可服以內有陳皮紫蘇甘草半夏等藥為斑

痧所忌也 又方 生白礬為末每服一錢不拘男婦用

陰陽水調下各項痧症及受暑昏暈不省人事者服之立

可回生此物能升清降濁故奏效如神存心濟人者宜佩

帶身傍或路道或深夜可當仙丹 又方 急取生芋頭

又名芋食之如非痧則生澁難食若是痧則食之味美連食

二個卽愈屢試神效尋常腹痛食之亦效 又方 藿香

正氣散見內外備用諸方服之穩而且效惟斑痧症萬不可服

霍亂

霍亂症

上吐下瀉者是無論冬夏皆有又有吐而不瀉瀉而不吐者亦是又有吐瀉不出者名乾霍亂治不得法皆不可救凡遇此症斷不可與飯食即米湯亦不可飲並忌食薑一入口即不救須俟愈後平定久久方可進食些少亦不宜多

霍亂諸方

食鹽

壹撮

放刀口上燒紅以陰陽水一鍾冲服

半滾水半冷水名陰

陽水服後腹痛漸止再服霍香正氣散

見內外備

全愈

又

方 陳皮 藿香各五錢 黃土澄水二鍾煎服雖死立生

又方 炒鹽填臍內用艾放鹽上燒之以燒至止痛病醒
爲度已死而心頭微溫者亦可活也 又方細細看病人

背上如有黑點用針一一挑破出血卽愈若遲一日則不

能救矣 又方 用鋒利磁碎片刺少商穴委中穴二處

使出血卽愈百發百中少商穴在兩大指甲之兩傍與出

指甲之處相齊只離指甲兩傍邊各一韭葉寬是也先從

手臂膊上揉至指間使血氣下行方刺委中穴在腿灣先

用手蘸溫水拍打出紫紅紋是也從紫紅紋上刺之

又方 白礬末陰陽水調服一二錢神效此華陀方也

又方 楓樹皮煎濃湯當茶飲其效如神 又方 樟木

舊杉木 舊鐵丁 掃箒梗 車繩如無用亂麻亦可 竈心土

蘇葉各等分加鹽一撮炒焦沖水一大碗煎濃當茶飲吐

瀉立止有起死回生之功方名七星茶或用樟木一味煎

濃汁飲之亦止吐瀉而愈更為簡便神效 又方 藿香

蘇梗各參錢煎服吐瀉立止屢試如神 又方 嘔吐難以

進藥者加真川椒末兌入藥內一滴一口緩緩服之自能

平愈或飲烏梅水少許然後服藥皆極神效

霍亂腹痛兩腿轉筋

藿香 蒼朮 柴胡 羌活各貳錢 澤瀉 木通各壹錢 神

曲 陳茶葉各叁錢老葱連根兩條水煎服此四川呂祖廟

內碑刻神方輕者服一二劑至重四劑全愈活人無算屢

試如神 又方 男子以手挽其陽物向上女子以手牽

其乳向兩旁即愈甚效 又方 芥菜子研細末填臍內

立效如神 又方 熱醋煮青布抹之或用布蘸極熱水

抹之冷則隨換 又方 大蒜頭搗爛敷兩足心立愈

又方 皂角末吹一豆大入鼻取嚏即安 又方 令病

人面牆直立一人以手蘸溫熱水在腿灣上拍打數十下

有青筋現出即將針刺出黑血即止 又方 以墨書木

瓜二字於痛處仍令病人口呼木瓜隨聲而愈屢試甚效

或用木瓜煎服亦可 又方勉強跼起直立少頃卽愈屢
驗

霍亂轉筋入腹

吳茱萸貳分炒酒二盞煎一盞分二服得下卽安

霍亂煩渴

真烏梅煎水和蜜飲之

三香寶暑散 專治七十二種痧症霍亂轉筋尤爲神妙

涼茶吞服忌米飲每服壹錢重者貳錢立愈小兒減半同

治癸亥年上海救活無數皆此方也幸勿輕視方用

細辛

叁錢

荆芥

四錢

鬱金

壹錢

檀香

叁錢

降香

叁錢

沉香

參錢

右藥生晒研末滾水調丸如菘荳大或研末用亦可
勿令洩氣只可少服

瘧疾

瘧疾須知

凡瘧疾口渴切不可飲冷水冷茶並一切生冷之物犯之其疾更甚惟以姜湯乘熱飲之此良法也

凡瘧疾熱未全退不可飲食必俟其熱退盡方可食之不然必成痞積

凡服截瘧之藥必俟發瘧過後方可食物若食早瘧必再發下次截瘧無靈矣

凡小兒瘧疾多有穢氣必熏燒檀香蒼朮等藥以辟其邪更常熏其衣物穢氣去而邪易除矣

瘧疾三方

倪涵初曰瘧之爲害南人患之北人尤甚弱者患之強者尤甚雖不致遽傷其命然不治則發無已不得其道則惡邪內伏正氣日虛久而久之遂不可藥予所定三方甚爲平易無奇絕不入常山草菓等劫劑且不必分陰瘧陽瘧一日二日三日及非時瘧人無老幼病無久近此三方不用加減惟按其次第服之無不應手而愈

第一方

廣陳皮

陳半夏

姜汁煮透

白茯苓

威靈仙

各壹錢

蒼朮

米泔水浸一日切炒

眞紫朴

姜汁拌炒

柴胡

黃芩

各八分

青皮

枳

榔

各六分

炙草

叁分

生姜

三片

井水

河水

各一

鍾煎

九分

飢

時服渣再煎服如頭痛加白芷一錢此方平胃消痰理氣

除溼有疏導開先之功受病輕者二服而愈勿再藥若三

服後病勢雖減而不全愈用第二方少則三服多則五服

第二方 生首烏參錢 陳皮 柴胡 白茯苓 黃芩各

分 白朮炒 當歸 威靈仙各壹錢 知母 鱉甲醋炙酥研 炙

草參分 生姜三片并水河水各一鍾煎八分加無灰酒五

分再煎一滾空心服渣再煎服此方妙在補瀉互用虛實

得宜不用人參黃芪屏去常山草菓平平無奇實有神效

卽極弱之人纏極重之病十服後立奏奇功萬無一失所

云加減一二卽不靈驗者正此方也

第三方 人參 壹錢 白朮 炒壹錢 炙芪 當歸 各壹錢 陳皮

柴胡 各八分 炙草 叁分 升麻 四分 或加首烏 貳錢 知母 炒壹錢

錢 或加青蒿子 八分 麥芽 壹錢 生姜 一片 大棗 一枚 水二

鍾煎八分半 飢時服用三五服 元氣充實 永不發矣 方雖

有三 第二方實為主治良方 既刻削亦不峻補 是以功

獨歸之 其第三方端為有力者而設 貧家安得有參 宜多

服 第二方可也 又方 青蒿 四兩 真川貝母 七錢 青皮

檳榔 厚朴 神曲 半夏 各貳兩 甘草 貳錢 共為末 姜

汁為丸 棗豆大 以硃砂為衣 於未發前三個時辰 每服三

錢 姜湯送下 勿經婦人手 此方屢試屢驗 神效非常 不可

輕忽

又方

真川貝

六兩去心

生半夏

四兩

各為細末端陽

午時合和銅鍋微火炒至嫩黃色冷定收貯磁瓶勿令洩

氣每用生姜汁調藥二分蒸熟於病發先一時服之輕者

一服重則三服必愈愈後忌食發物及鷄鵝南瓜芋芡等

物三月此方有人施藥多年屢著神效 又方 牛皮膠

貳兩

熬化加生姜

參兩搗爛如泥

攪勻熬成膏聽用於病發先一

時用皂角水洗淨背脊拭乾再以生姜一大塊揉擦極熱

用寬長細布一大塊將膏攤上貼之

從衣領處貼起

過一二日病

即痊愈後五日方將膏藥揭去有人患此三年一貼即愈

簡便而極效也

又方

用草從左手中指頂尖處量至

中指根處爲止將草摘斷卽用此草從根量至掌再從掌

量至腕爲度以墨點記用獨頭大蒜研爛敷於墨點處用

核桃壳蓋上以布紮上一個時辰卽去之神效 又方

信石五分巴豆七粒雄黃七分共爲末於端午日午時丸

如麻子大三陰瘡貼額中餘男左女右貼之 又方 巴

豆炒壹粒南星壹個白麩少許水調捻餅用膏藥貼額上

又方 洒地金錢草又名遍地金錢又名滿天星清早塞兩鼻孔

中各一丸雖三日一發之瘡可以立愈 又方 桃頭七個

向天獨頭蒜七個胡椒四十五粒家粽尖五月五日午時共

搗爲丸雄黃爲衣扎肚臍內一週時卽愈 又方 常山

草菓 丁香少許用上好酒半茶盃煎數滾盛鍾內煮

鼻孔即愈 又方 當歸 川芎 防風 甘草 陳皮

蒼朮 杜仲 檳榔 草菓 半夏 常山 荆芥 知

母各壹錢真烏梅五錢燒熟打碎將藥共放鍋內炒熟于瘡未發時

用稀布包裹捆紮臍上臍內先以藥末三分填滿其發必

輕再炒再捆無有不效間日瘡者更效輕者一服重者兩

服必愈年老人不肯服藥者用此最效 又方 龍眼樹

葉男用十壹片 女用十貳片加白芝蔴叁錢煎濃汁於瘡發先半時服

服後蓋被卧片時汗出即愈諸藥不效者用此最妙

三陰瘡 午時以後發者是

青皮 陳皮 當歸 知母各參錢 真烏梅五個 水二碗煎

八分 露一宿臨發日頓熱服其效如神

隔日瘡

旱蓮草研碎 如黃豆大以紫蘇葉裹之男左女右塞鼻孔

內半日即出涕淚輕者立愈重者漸次而愈或照以上各

方治之旱蓮草查卷十六藥物備要便知

三日瘡

首烏五錢 蒼朮參錢 白朮貳錢 甘草壹錢 知母五分 水四

碗煎碗半鷄鳴時服立止如不愈即照以上各方治之

久瘡不愈前外治各方可治久瘡

驚甲醃炙研末酒服二錢隔夜一月消腫一月即愈
無不斷者入雄黃少許更佳此葛仙肘後方也 又方

牛膝一大把水四碗煎二碗未來時一服來過時一服即

愈 又方 或一日二發或一日二三發或二三日一發

用 五靈脂 頭上油膩各壹錢 陳石灰貳錢 研末飯爲丸

如蚕豆大每服一丸五更無根水下即止神效方也 又

方 大肉棗貳個去核 斑貓貳個 焙研同入棗肉研勻加熟

猪油少許捏成餅子指頭大貼在兩眉中間印堂上一週

時即愈 又方 常山酒煮晒乾 知母 貝母 草菓各錢半 水

煎五更熱服此方有人用之三十餘年奇效不能盡述切

勿妄爲加減

平瘧養脾丸 不論遠年近日百發百中誠治瘧之王道

也久瘧體虛者非此莫愈 人參無則用高麗參 焦朮 漂蒼朮

茯苓人乳蒸 陳皮酒炒 青皮醋炒 製半夏 紫川朴姜製

北柴胡 炙箭芪 猪苓炒 澤瀉炒 桂枝焙 常山焙 鱉甲

醋炙 白當歸酒炒 炙甘草 草菓仁姜製 川芎酒炒 各等

分共爲細末酒煮麩糊爲丸如米粒大每服一二錢米湯

下有痞者加三稜莪朮

一二三日瘧年久不愈

當歸 半夏各五錢 常山 檳榔各貳錢半 紅棗半斤 好酒 壹斤

井水壹斤共入砂罐忌鐵器煮爛露一宿次日清晨炖微溫

連棗作數次食完即愈屢驗如神忌鷄與雞蛋發物三月

又方 青蒿貳兩長流水煎服伏暑在肝發瘧一二年

不愈者一服即止

久瘧虛極

人參五錢生薑五錢水二碗煎一碗露一宿次日五更溫

服當日即止無力用參者以白朮壹兩生薑壹兩如前煎

服二服即止或用平瘧養脾丸見前亦效

隔年瘧

乾姜五錢白朮參錢煎服愈 又方雄黃三錢生龜板為末

壹個去兩旁 放火上將雄黃末徐徐鋪在龜板上煨黑碗蓋存

性取起研末酒服厚被蓋臥出汗即愈

三十年瘡

常山 黃連 各五錢 酒一斤泡一夜瓦罐熬至七分發日早

飲一半發時再飲一半或嘔或瀉即愈

久瘡成痞 胸脇高起者是又名瘡母

毛脚芹菜 大蒜 銀硃同搗爛塗患處以油紙蓋上扎

住半日皮上疼痛口中有蒜氣出其塊自消 又方 大

蒜 壹個晒乾研末 朴硝 叁錢研末 獨頭蒜共搗融成膏貼上自消 又

方 獨頭蒜 壹個 黃丹 壹錢 番木鱉 焙為末五分 共研成餅放

患處札好口中有蒜氣出卽去之內自消矣

小兒久瘡不愈

鱉魚煮食多則二次無不立愈 又方 大鱉甲小者不用

醋炙枯研末每服一錢或錢半隔夜一服清早一服將發

時一服無不愈也 又方 赭石叁錢燒紅 硃砂五分 砒

霜壹豆大 各藥用紙包七層水浸溼火中煨乾研末加射香

五厘 香油調搽鼻尖眉心及手足心神效

此方治一切

一服見效

此方治一切

此方治一切

此方治一切

此方治一切

黃疸

五種黃疸

此症有陰黃陽黃之分如用黃蠟方不效即係陽黃用滿天星方治之無不愈也

黃疸穀疸酒疸女疸勞疸此五種也身黃如金或兼腫脹

嘔吐或眼目亦黃急用薄草紙以筆管捲如爆竹樣將一

頭以紙封緊用

黃蠟

用銅器鎔化

將紙筒四圍澆勻不可使

蜡入筒內令病人仰卧將蜡筒罩肚臍上

以封過壺頭向

下再用

灰麪作圈護住筒根勿令倒下勿令洩氣筒頭上點火燒

至筒根麪圈處取出另換一筒再燒看臍中有黃水如鷄

蛋黃者取出輕者燒七八筒重者數十筒日燒二次總以

取盡黃水爲度有人黃疸身如金色遍身腫脹飲食入口

即吐百藥不效照此治之三日全愈真仙方也珍之寶之

又方 蒼耳子 薄荷 木通 綿茵陳各叁錢用陳酒入

各藥煎汁一碗另用炒砂仁末叁錢冲服小便赤如血者

加黃連一錢同煎神效此林屋山人方也 又方 苦丁

香為細末嚙鼻內一時鼻出黃水水盡即止三日後再嚙

一次全愈 又方 滿天星葉小而光多生花益及塔礪下連根洗淨約

半茶鍾搗融煮猪肉數兩食湯與肉一二次黃退而愈屢

試如神 又方 先用射香壹分放臍眼內再取黃皮癩

蝦蟆破開連腸雜覆肚臍上用布捆住數日愈孕婦不用

射香 又方 生茅草根煮猪肉食數次即愈 又方

水芹取汁服或煮食或生食多食極效

發黃欲死不省人事

此陽黃也

用白毛烏骨鷄一隻卽絨花鷄又名白鳳凰一名絲毛鷄
乾搗去毛破開去腸雜鋪心頭上少頃卽活再照前蜡筒
方治之再照前滿天星治之無不愈也

黃疸吐血

此亦陽黃

病後身面俱黃吐血成盆諸藥不效用 田螺十個水漂
去泥搗爛露一宿五更取清汁服二三次血止黃退卽愈
黃如不退仍照前滿天星方治之最妙

胸滿腹脹黃腫

瘟疫

瘟疫症

此症多發於春分之後夏至之前故曰瘟疫如有鬼厲之氣又曰厲疫以衆人所患相同又曰天行時疫其症與傷寒相似傳經表裏亦無不同惟時令已煖毒氣鬱蒸與傷寒微異發散宜用辛平等劑又有四時瘟疫治法大略相同

瘟疫諸方

姜糖飲

黃沙糖

壹杯

生姜自然汁

壹杯

用白滾水一大

杯調勻乘熱急服蓋被出汗即愈四時瘟疫皆治 又

方 白粳米 叁合 連鬚葱頭 十根 煮成稠粥加好醋一

酒鍾再煮一二滾食一碗熱服取汗自愈已出汗者不

用 又方 松毛切碎搗每用二錢酒沖服日三服極

妥極效 又方 凡聞病人汗氣入鼻透腦卽散布經

絡初覺頭痛卽用芥菜子 研末 溫水稠調填肚臍中隔

布一二層上以壺盛熱水熨之至汗出而愈 又方

並治大頭瘰 蒼朮 良薑 枯礬 各等分爲末每

用一錢以葱白一大個搗勻塗手心男左女右將手掩

肚臍手須窩起勿使藥着臍又以一手兜住外腎前陰

女子亦如之煎綠豆湯一碗飲之點線香半炷久可得

汗如無汗再飲綠豆湯催之汗出即愈 又刺少商穴

即愈法見霍亂門

除疫救苦丹 專治一切瘟疫時症並傷寒感冒無論已

傳經未傳經大人一丸小兒半丸涼水調服出汗即愈

重者連進二服服藥後未汗切忌食熱湯熱物汗後不

忌此丹寒熱並用功極神奇百試百效有力者宜脩合

以濟人 麻黃 乾薑 明天麻 菴豆研成粉 松蘿茶

各壹兩 生甘草 明亮硃砂 明雄黃各入錢 生大黃貳

兩 共為細末蜜丸彈子大

酒熨法 治瘟疫傷寒時症或飯後氣腦心口脹悶填塞

不舒 上好燒酒炖熱將布二塊蘸酒自胸向下搽抹

布冷再換熱布輪替搽抹如此數次其氣自通而愈

雷擊散

專治瘟疫並治忽然腹痛手足厥逆面色青黑

並上吐下瀉霍亂硃砂症以及一切痧症此方於乾隆

元年間貴州省疫厲甚行忽于丹平山石壁上雷火擊

書此方活人無數道光元年江南各省軟腳瘟盛行亦

照此方治之神效無比 牙皂 北細辛各叁錢半硃砂

明雄各貳錢半霍香叁錢 枯礬 白芷各壹錢 桔梗 防風

木香 貫衆 陳皮 蘇薄荷 法夏 甘草各貳錢 共

研極細末貯瓶中勿洩氣隨帶身邊凡遇急症取二三

分吹入鼻中再用一二錢姜湯沖服服後安卧片時汗出而愈

菩提救苦丸

專治春夏感冒風寒時行瘟疫暑溼頭疼

口渴身熱目脹筋骨疼痛惡心怯寒脈息洪數等症屢

試神驗 紫蘇 葛根 羌活各四兩 蒼朮 赤芍 香

附 花粉 元參各參兩 陳皮 生地 白芷 防風

川芎 黃芩 厚樸各貳兩 甘草 細辛各壹兩 共研爲末

新荷梗荷葉煎水爲丸每丸重二錢半內傷飲食外感

風寒者炒神曲煎湯化下餘俱用生姜湯或用開水下

惟受暑勿用姜大人一丸小兒半丸日久藥味發變更

妙

辟瘟散

此方專治傷寒傷風憎寒壯熱頭痛身痛頂痛脊強腰痛目脹鼻塞聲重風痰咳嗽上嘔下瀉口渴便赤內傷飲食及感冒四時不正之氣發痧瘟疫瘴癘鬼瘡瘟瘡赤眼口瘡溼毒流注腳腫腮腫風火喉痺毒痢風熱斑疹並治硃砂症又名心經疔其症初起脈散牙緊手足麻木發軟閉目不語喉腫心疼心慌等症急視前後心有紅點用針刺破出血如內有紅絲卽挑出可免無事惟此症傳染甚急頃刻不救藥宜早備

製蒼

朮 五錢

桔梗

神曲

各參錢

貫衆

滑石

熟大黃

明

雄

厚樸姜汁炒

生甘草

法半夏

川芎

藿香

各錢

羌活

白芷

柴胡

炒防風

荆芥

細辛

前胡

枳壳炒

薄荷

陳皮

去白皂角

去筋硃砂

石菖蒲

公丁香

廣木香

草菓

煨用

香薷

各壹錢

共研極細末

磁瓶收貯勿令洩氣每遇患者先用二三分吹入鼻內

再用三錢滾姜湯冲服體虛者加台黨參四錢煎湯冲

服小兒每服一錢凡病重者三服即愈此方屢經試驗

活人甚多不可以藥味多而輕忽視也藥味每料須錢

百餘文可治十餘人費錢無多功德甚大

瘟疫心腹疼痛

與後羊毛瘟參看

白烏骨鷄殺之破開去腸雜撲心上卽愈或用血塗心上亦可並用鷄肉煮湯食極效或用癩蝦蟆破開撲心上亦可愈後須戒殺放生免再傳染

羊毛瘟

與卷十一癩毒門羊毛疔方參看

凡男婦大小陡然腹痛不過一二時卽死醫藥不及用針灸不及施惟有速往十字街心或十字路心於衆人日逐往來之處挖泥土數升以冷水和丸如鷄蛋大卽在病人臍旁及心窩內外磨擦良久俟泥丸稍熱破開看之如丸中有羊毛是其症無疑矣另換泥丸再擦以不見羊毛爲度雖已氣絕身未冷者皆可治若擦之並無羊毛卽非此

症當另求醫藥施治 又方 用蕎麵照上法治之更妙

大頭瘟

此症頭面腫大咽喉閉塞急用 延胡索錢半 皂角 川

芎各壹錢 藜蘆五分 躑躅花貳分 共為末用紙撚蘸藥推入

鼻中取嚏日三五次甚效嚏出膿血者更妙無嚏者難治

左右看病之人用此取嚏亦不傳染 又方 蚯蚓又名曲蟾

十餘條以白糖拌入碗碟蓋好半日即化為水至遲壹日必化用

鴨毛蘸水敷之即消百發百中之仙方也如無白糖之處

用蚯蚓糞壹升水調敷亦可須戒殺生 又方 燕子窩連泥

帶糞搥融醋調敷立愈 又方 靛花參錢福建者為佳 鷄蛋清

壹個 燒酒一盃調服神效 又方 黑豆貳合炒炙甘草

壹錢 水二鍾煎八分熱服神效 又方 吳萸研末醋調

敷足心一週時取下即消如未愈再敷一週時必效

辟瘟諸方

立春後庚子日煮蔓青汁葛即諸菜不拘多少舉家大小人溫

服可免時疫諸葛菜即蘿蔔菜 又方 六月六日採馬齒莧晒

乾收藏於元旦日煮熟鹽醋醃食一年可免時疫 又方

馬骨一塊裝紅布小袋內佩帶身旁男左女右 又方

每年腊月二十四日五更取井花水平旦第一汲者盛

淨器中計家中人口多少浸乳香至元旦五更煎水從幼

者起至老人每人以乳香一小塊飲水三口咽下則不染
時症矣 又方 五更時投黑豆一大握於井中勿使人

見凡飲水家俱無傳染若食河水之處各家於每日清晨

投黑豆一撮於水缸內全家無恙 又方 雷丸 大黃

名四飛金箔參十硃砂參錢生明礬壹兩共研末以水為

丸每服二錢乾隆丙子瘟鬼被雷擊匿於江蘇長洲主簿

署中所授此方服之可免瘟疫活人無算屢試如神 又

方 貫衆壹個白礬壹塊放水缸內亦效 又方 向東

桃枝煎湯日浴二次自然不染 又方 蒼朮 雄黃

丹參 桔梗 白朮 川芎 白芷 藜蘆 菖蒲 皂

馬一入系糸

卷一五

三

角 川烏 甘草 薄荷錢各五 細辛 撫夷錢各叁 以上俱

用生料晒乾研末燒熏可避瘟疫屢試神驗 又方 紅

棗貳斤 茵陳八兩 大黃八兩 共燒烟熏可免瘟疫 又方

蒼朮末 紅棗共搗為丸如彈子大時時燒之可免時疫

不染 又方 凡入病家用香油調雄黃蒼朮末塗鼻既

出用紙條刺鼻孔取噴嚏再飲雄黃酒一杯決無傳染

又方 雄黃研細末水調多敷鼻孔中與病人同床亦不

傳染神方也

和熟艾湯又式 正夏潮熱黑豆一大匙煮其中

香豉至末人每入以香一匙煎水三口不開不與

蠱毒

中蠱論脈

中蠱之脈多係陽分盛蓋蠱家毒藥皆於端午日製之乘其陽氣極盛之時以製藥故中其毒者脈皆強旺所以利用清涼之藥一切蠱毒皆忌補藥又蠱藥皆屬蛇末故治之皆以殺蛇發表爲主知脈者先切其脈用藥隨脈加減肝脈強者多加柴胡槐花白芍青蒿心脈強者多加連翹麥冬脾脈旺者多加茯苓菜腎脈強者多加生地元參肺脈強者多加條參而紫蘇薄荷則凡中蛇中癩中腫中疳治方斷不可少者至蠱毒將愈肺心脈平和則紫蘇少放肝脈平和

則薄荷少放不知脉者即照後篇成方治服亦可取效

生蛇蠱

人初中其毒或肚痛極或作吐作瀉自後凡遇肚痛時行動則皮內或肚內有物堅實夜卧以手按之則肚皮內有物腫起長二三寸微覺跳動心煩涎溢得吃肉則止或移入左脇右脇則飯食減少或跳上心則心脹欲作吐則此物在身時有時無至四五年則成形會咬又有變成肉贅肉龜以作咬者至蛇老時在皮內肚內行咬有日咬二三十次者命在頃刻此時內蛇翻動作咬則通身發熱額焦頭痛如有髮刺蟻咬夜則更甚此乃蠱家之外蛇從風而

至也內蛇咬臟腑外蛇入毛孔其蛇無形亦無數用雄黃

五錢研末

生菖蒲

四兩

蒜子

四兩

搗爛三味缺一不可用放浴

盆內倒熱水於內令病者自頭至脚處處洗到隔日一洗

以禦外蛇再用馬兜鈴

四兩

同水久煨多服服藥後忌食

茶水飲食半日若蛇不吐出瀉下仍將蘇荷湯四方見後

加減治服過半月復用馬兜鈴半斤煎濃湯服如此三五

次其蛇自化不見愈後仍戒鷄鴨二年魚蝦螺蚌等戒三

年終身戒食蛇蛤

有李姓妻者中此毒內蛇長五六寸

日咬數十次照方服藥不戒鹽葷兩月而愈

又路姓二

人中生蛇蠱尙未見咬服馬兜鈴兼服蘇荷湯一月而愈

後因食魚復發慎之慎之

陰蛇蠱

中此毒者不出三十日多死初中時或吐或瀉以後則肚腹膨脹不想飲食口極腥甚則額熱面紅頭面上筋起如虫行爬行或耳鼻內如有一二蟲乃藥氣衝上非蟲也或肚內如蛇翻有聲大便結秘若酒醉後在酒中受毒者不獨腸臟青黑卽肺肝心脾俱染黑氣服敗毒發毒解毒之藥受毒重則糞黑受毒輕則糞藍若不知解藥則因黑氣而變成黑星黑星有一顆則肚內如針刺有十餘顆便開成蛇口如蛇咬狀咬上心出恭瀉血多不可救又加以癩

藥則人多昏憤又加以腫藥則一耳常滿塞一耳少紅厚
如有一二蟲行樣服解藥則黑氣隨糞出黑氣一毫不淨
須要戒口不然一翻則腸臟內如有數十顆黑星如兩三
隻蛇口在肚內咬而外蛇亦從風而至病人夜不得卧者
亦用雄黃末蒜子菖蒲搗爛放熱水內洗身以禦外蛇若
在酒內中毒斷不可用酒罐煨藥犯之必翻愈翻則毒入
愈深茶內中毒戒茶病痊後可吃病重時戒吃太飽戒生
冷煎炒戒吃一切補藥戒雨淋溼身溼脚戒遠行戒忿怒
照後中疝方調治戒葷鹽每殮用笋水一茶杯煮菜吃無
力者常煎紫蘇薄荷二味作茶吃卽是要藥或兼田內茨

菇菜更妙有力者照後蘇荷湯四方加減治服其餘所食之物俱與後中疝篇同但看食物全不變如吃菜厨菜甚至吃飯則厨成顆飯則毒淨矣自此以後過三四日食物仍變出恭轉黃開吃葷鹽生冷酒醋煎炒無妨惟鷄鴨宜戒二年羊鵝戒三年魚蝦螺蚌等腥物宜戒三四年蛇蛤終身不可食後中疝篇同此戒口 又水內之物惟鱉可食無妨 按初中一二日有吃馬肉而愈者 又中蠱者不肯戒葷鹽則飲食中鹽宜少放葷少吃但戒鷄鴨魚蝦等物可也

浸笋水法

凡筍皆可浸惟味苦而豔者尤妙筍用淨刀淨砧板切片
放瓦罈內用午後水浸之不可犯葷犯嫩糠水將浸過筍
不可多後添生筍則添生水又按初中蠱時有吃雄黃
蒜子菖蒲同滾水服取吐再用紫蘇薄荷筍水同滾水服
瀉吐則上部毒淨瀉下部毒淨自愈

癩蠱

受毒者肚必常叫如在臟
外叫服解藥則在臟內叫

獾俗埋蛇土中取菌毒人則人心昏頭眩笑罵無常或遇
飲酒時藥毒輒發忤然兇狠不可制者名曰癩蠱照後薄
荷湯四方治之不用戒色下條同

腫蠱

受毒者肚必常叫

腫蠱者獾俗謂之放腫腹大肚鳴大便結秘甚則一耳常塞一耳少厚治方見後蘇荷湯四方若病危甚時必戒鹽葷方效外用茨菇菜煎水洗之

疖蠱

疖蠱者匪人謂之放蛋又謂之放疖又謂之放蜂惟兩粵最多端五日取蜈蚣與各小蛇馬蟻蟬蛆蚓蜒蚰虫頭髮等研末其人常刻一小五瘟神像在房內或箱內奉之常將毒藥置於神前若將蛇虫等末放肉菜酒飯內與人吃亦有放在路上踏著卽入人身則藥末粘於腸臟之上初吃輕則肚略脹肚微叫如粥滾狀如欲瀉狀而出恭仍結

實頭帶黑色若受藥重則肚痛肚常鳴毒氣衝上或鼻內
如有一二蟲或耳內如有一蟲卧則肚大鳴如蛇翻狀出
恭漸少或一日一次或二日一次帶黑色出亦不多人心
瘦黑久或靜坐頭髮內如有蟻咬以手搓之則無或夜卧
靜聽面上如蝨行如髮纏如蚤咬或肉忽跳或身上如蟻
咬或肛門如有小蟲小蛆三四隻動或身上如蚓行或口
旁如有蜒蚰蟲粘上拭之則無跡可尋或忽然一手麻極
一脚麻極或半手麻極或半脚麻極此皆藥毒到處使然
或初受毒不知至三四月後或因洗身或因靜坐於外如
有蜂飛來咬靜聽片刻身上如有數十蟻咬者搓之則氣

散不見此必吃着人蠱藥不知者未有不疑爲風症也但此蠱藥在內治不得法斷不瀉出其藥化一點染在臟腑之上則藥氣行於週身氣到處卽如蟲咬非眞蟲也氣降於肛門卽如蟲動蛆動氣隨糞出非黑卽藍亦非眞蟲受蠱至七八月藥未化盡肚鳴不歇其氣衝上如蛇翻狀週身如蟲行蟻咬頂心髮涼極如有蟲出入肉內如有蟲行蟻行小蜈蚣行而蠱家平日所毒死之冤鬼與其陰蛇陰蟲隨而陰附之病者如聞有飛集之聲而旁人不聞者一見風則更甚如蟲出入毛孔鼻門如有數十蟲飛來集甚則下陰腳底如蟻咬者此皆藥氣行於週身非眞蟲也至

此時則手腳麻木週身如麻布通風溲理毛孔皆開或手指腳指扯開或唇掀或身上肉跳又加以腫藥則一耳常滿一耳少焦紅厚又加以癩藥則頭眩心昏肚脹又加以悶香則面起紫泡凡中此蠱者務宜戒色若不知戒色小便一見白濁則穢毒引入膀胱變成五疳則疳蟲先生於下部此時則實有蟲矣往往以楊梅瘡概之不出數月必死若止知戒色而不知藥方治服小便雖未見白濁終死於腫此皆得之蠱醫之言屢經驗者治法見後蘇荷湯四方

一中疳蠱小便未見白濁勢雖極危果能持戒照方服藥

無有不愈或玉莖旁溼爛外用槐花一兩白礬二錢煎水洗之可也

一中疳蠱小便未見白濁週身雖如蟻蚤行咬乃藥氣行走並無蟲也不必疑懼同室之人任其同卧同殮斷不傳染病者首宜戒色戒鹽葷戒煎炒糖食紅棗甘蔗一切招疳之物與一切飛禽水族鱗蟲腥物

一中疳受毒甚者小便未見白濁宜食各物諸中蠱症皆同豆腐

莧菜 蒜 紫蘇 薄荷 筭 馬肉甚妙 青菜 白菜

薑 青瓜吃少 黃瓜吃少 白瓜吃少 芋苗 芋頭少吃 細粉

芥藍 苦蕒 木耳 茨菇此味能瀉脾胃之毒亦能殺解蠱消腫敗毒每殮同菜

煮吃龍眼龍眼宜成顆剝吃荔枝病重甚者果品筍水每

甚妙龍眼肉恐有糖荔枝惟此二味可吃筍水每

放一茶杯以上諸品中毒甚者皆可吃蓋毒甚則心肺肝

脾皆受傷帶黑氣週身之血皆被毒藥染黑故宜靜養服

藥先瀉大腸脾胃之黑氣後瀉肺肝心上之黑氣最後則

週身血液瀝入肺肝心脾由肺肝心脾瀝下胃與大腸隨

糞而出於是臟腑復生惡血瀉盡新血充滿自愈而薄荷

紫蘇尤爲要品二味皆殺蛇且表其毒氣出於外筍水亦

殺蛇但筍水止及腸胃而蘇荷追其心肺肝脾要之三味

皆不可缺一者若每殮菜用茶油煎開水放生紫蘇葉與

薄荷葉及筍水一茶杯同各品菜煮吃卽是要藥無生葉

卽取根梗煎水同筍水茶油煮菜吃亦妙若無蘇荷但用
筍水煮菜亦驗

一疔蟲受毒未至極危及雖極危旣服藥月餘病漸減凡

辣椒芹菜

少吃

蘿蔔

不可吃菜葉

金針桐蒿蒿苣胡椒醋

吃韭菜羊肉等物皆可吃柑橘棠梨石榴蘿蔔葛薯李葶

臍西瓜皆可吃

一凡中疔受藥輕者或見風則面上如蟻行發癢以手搓

之則散見火烘之則止者或隔數日靜聽肛門如有三四

小蟲動或時而耳內如有一小蛆跳入時而鼻內如有一

小蛆跳入或一手麻極一腳麻極一月一次一月幾次或

肚時鳴而出恭結實或因吃發毒之物藥氣表於外面上如蝨行如髮纏身上如蚤咬或以上諸病時有時無者俱不宜近色

一疖蠱服解毒敗毒發毒之藥則大便結秘者蓋藥毒在身逢解藥則降下大腸毒甚者初出恭黑次出恭青次出恭藍或出恭有惡物如爛木耳者此乃身上之惡血隨腸臟瀝出也亦有服藥二三劑而瀉血兩三日者病愈更速蓋蠱藥在身其毒氣週流通身之血皆黑服藥之後舊血瀉盡新血自生不足畏也亦有服藥月餘毒氣大減時而糞黃時而糞轉黑或藍者蓋惡血不瀉則糞黃惡血一瀉

則糞藍惡血一點未淨則出恭尙時帶藍色然受毒雖極重依方持戒服藥至四五個月後糞雖不能盡黃開葷近色無妨但鹽與煎炒尙宜戒之卽不戒亦可惟鴨雞宜戒三年魚蝦等腥物宜戒五年然糞不至於純黃則耳內肛門尙有藥氣出如蟲行狀通身或頭面上或髮內亦間有藥氣行動如小蟻咬式此斷不可疑懼乃身上之惡血未能淨盡故也但照後方服藥受毒極重者開葷鹽後其藥仍宜常服無力者常將紫蘇薄荷茈菇菜三味煨水當茶吃可也但看出恭食物全不變則不用服藥矣

一服藥將愈之時一遇食飯通身發癢此乃飯氣到處新

血與舊血戰也食畢氣靜如常

一將愈之時凡所食之物出恭半不變或肛門常脹者此乃蠱毒將淨不可服補藥俟至食物全不變則毒靜以後出恭必黃而病愈矣

一凡出恭如有蟲三五隻隨恭出視之不見者其糞不黑則藍否則必帶血絲此乃毒藥之氣非真蟲也不必疑懼一凡蠱毒既淨脾胃虛寒宜服補藥然既服補藥之後時而出恭轉藍此乃餘毒未淨卽取紫蘇薄荷二味加筭水一茶杯沖水煎服可也不用戒葷鹽煎炒又受毒輕者出恭仍黃服解藥後或略帶灰白色耳

一中疔蠱初服藥一二劑通身發紅紫塊者無妨再服藥十餘劑自消

一酒醉後在酒中吃着蠱毒肺肝心脾受毒太重照方服藥月餘蠱毒既退酒毒忽發口舌熱爛則筭水與蘇荷等暫停半月宜用連翹生芪甘草生地柴胡槐花黃栢黃連元參石膏等藥用酒與水煎服俟火退後仍照原方調治一凡中疔蠱或因吃魚蝦腥物而毒發於身成癬者或毒發於腳成賺瘡者或毒發於下部溼熱潰爛者或毒發於手背虎口手指間如疥瘡出汗經年不愈者或因吃馬肉發毒之品表其毒出於鼻門出汗者或時而腳麻時而肚

痛時而腳酸者但果中其毒人多瘦黑身上必有如蚤咬
蝨行者治方與前同不用戒色亦不用戒葷鹽

一中疳或一二人或三五人同在一處受蠱毒或各在一
處受蠱毒其一人受毒重者先發作一二月或先發半年
諸人漸次方知者人或疑爲傳染此決不可信予蓋得之
於蠱醫之言兼歷試之於中蠱之人者至一切方書之論
蠱論病者皆不得其詳不足信也

一中疳受毒極重者必吃着藥多次照方持戒服藥至兩
個月可吃生冷醋煮物件至六個月雖出恭尙帶藍色開
葷鹽煎炒近色無妨依舊照方加減服藥但看出恭食物

皆不變則毒淨盡以後出恭必黃可以食鴨惟鷄宜戒一
年魚蝦螺蚌一切水內腥物戒三年蛇蛤終身不可食中
毒輕者不用戒葷鹽煎炒但戒鷄魚等物可也常將紫蘇
薄荷二味沖筭水少許同水煎服久服自愈

一凡中疖惟肺經受毒重不宜近色蓋肺金生腎水肺受
毒重一近色則濁氣引入腎小便一變白濁卽變五疖若
肺經不受毒及服藥後肺經毒旣淨雖身上肉尙跳尙有
如蚤咬蟻咬無妨也按中毒輕者則肚不大鳴雖不吃藥
不持戒鷄魚亦無妨但時覺身上不快耳

一疖蠱當受毒重時夜則身熱頭痛不得眠治方用雄黃

末五錢同菖蒲蒜子搗爛放盆內用熱水沖入處處洗到亦能禦之

一疔蠱服藥後病必大減或時而病忽翻者無妨但照方服藥自然病退

變疔論

按中疔蠱不知持戒小便見白濁遂變五疔先從下部腐蝕生蟲後至口內腐爛生蟲而蠱毒在身一見風來如有羣蟲飛集到此時則五臟受傷一切發毒之藥如紫蘇薄荷川芎薑蒜及馬肉羊肉桐蒿高苣等菜斷不可食亦斷不可服補藥然亦難挽回矣但此症決不傳染人只恐疔

汁滴上旁人手腳用紫蘇薄荷槐花苦參蒜子雄黃煎湯洗之無妨臨終時孝子家人皆近得如有汁滴上人手腳亦用前方洗之此皆得之蠱醫之言者

中府既變疔後藥方凡藥宜溫服不可冷服恐變別病

生地 槐花 元參 條參 連翹 百合 白芍

青蒿 決明子 澤瀉 貝母 茯苓 花粉 麥冬

黃連 梔子 黃柏 天冬 胆草 知母

以上二十味俱可酌用

槐連湯 連翹 五錢 條參 五錢 青蒿 壹兩 生地 五錢 槐花

壹兩 元參 五錢 黃連 貳錢 貝母 五錢 黃芩 五錢 水煎服

因病加減不外以上二十味全在人神而明之皮破者
用茨菇葉煎水洗按連翹條參治蠱之品槐花元參治
疳之品其餘可以類推

中疳既變疳後食品

豆腐 青菜 苧菜 冬瓜 竹筍 茨菇 葛薯 白

菜 苦蕒 蓮藕 細粉 以上諸菜每殮用筍水一茶

杯同菜煮食妙

中疳既變疳後藥方

一既變疳後五經皆有疳蟲照方持戒服藥每日一劑隨
時斟酌加減不出上二十味之藥服至三個月後各經疳

毒盡去惟腎經疔毒尚難驟愈再服藥持戒十個月必然全愈開葷鹽無妨或開葷戒鹽更妙仍舊時時服藥但看小便常清並無白濁則疔毒已盡肉內並無髮芒時刺身上並無蟻咬則蠱毒亦將淨雖或時有蝨行蚤咬乃蠱毒之餘氣血液未盡淨故也此時可開吃煎炒燒肉近色無妨仍不時服藥俟至出恭食物全不變則蠱毒亦淨盡矣此時一切發毒之物如馬肉羊肉等開吃無妨鷄鴨魚蝦螺蚌等戒三年一切飛禽水族鱗蟲仍戒數年終身戒食

蛇蛤

又按一變疔之後照方服藥病勢漸減卽當嚴爲戒口若

持戒不嚴則病必翻愈翻則毒入愈深再治亦不甚見效矣慎之慎之

中害神

放害神亦蠱類也人中其藥則額必焦口腥神昏性躁目見邪鬼形耳聞邪鬼聲如犯大罪如見惡役持練鎖至如有刀兵健卒追趕常思自盡不知醫十無一生治方用柴胡湯加減服宜戒鹽葷俟毒淨自愈愈後不用戒魚蝦等物

柴胡湯

生地

四錢

白芍

叁錢

知母

叁錢

天冬

壹錢

青蒿

六錢

柴胡

壹兩

元參

叁錢

生

兩

連翹

叁錢

百合

五

錢水煎服

又方

夏枯草

鹹紫背浮萍

錢參

水煎服

一中害神先用灶心土同涼水攪澄清服取吐或用白礬細茶葉研末涼水攪和飲之取吐在茶酒內中毒者必吐出黑星數十顆在肉內中毒者必吐出肉一二塊此黑星與肉勿令狗吃用火燒之則反着放蠱之人死矣蛇蠱同此治法病人夜不得睡亦用蒜子菖蒲雄黃搗爛放熱水內洗身甚妙

泥鰍蠱

蠱家用竹葉放水中同蠱藥浸之即變泥鰍魚煮與客吃食畢肚內如有鰍魚三五隻行走時而衝上喉嚨時而走

下肛門大便不通不知治必死治方用雄黃蒜子菖蒲同滾水生咬吃得瀉而愈愈後戒魚蝦等一二年

石頭蠱

聞蠱俗將石頭一塊放於路上結茅標一二個人行過則石跳上人身或入肚內初中肚內硬實至三四個月則會動肚鳴大便結秘人漸瘦弱時而此石飛入兩手時而此石走入兩腳奇怪之至不出三五年其人必死治方用雄黃蒜子菖蒲滾水生咬吃代與瀉自愈後不用戒葷鹽魚蝦等

年一二

篋片蠱

聞蠱俗將竹篾一片約四五寸放於路上人行過則此篾跳上腳腿痛不可忍久則此篾入於膝蓋腳漸小如鶴膝不出四五年其人必死治方用雄黃蒜子菖蒲生咬吃滾水送下得吐與瀉自愈後用雄黃末五錢蒜子一觔菖蒲一觔同搗爛放滾水內湯洗腳膝數次自愈不用戒口

金蠶蠱

此蠱金色其形如蠶能入人腹食人腸胃其糞亦能毒人養蠱之家蓄以害人用金銀等物將蠱送之路旁有人遇之蠱卽隨往謂之嫁金蠶此蠱不畏水火刀鎗最難滅除惟畏刺蝟中此蠱者食白礬味甜嚼黑豆不腥者卽是又

初吃藥後週身皮肉如有數百蟲行癢極難忍者亦是用石榴皮根煎湯飲之可以吐出或用刺蝟皮燒枯研末用水調服壹貳錢亦可刺蝟又名毛刺又名蝟鼠其頭嘴似鼠身有刺毛似蠨豬箭又方常山四錢山荳根五錢蜈蚣壹條烘乾黃栢五錢蛛蜘蛛五隻穿山甲五錢白鴿血壹隻全以上七味同研末分三次泡滾酒服其毒自化毒重者服此方必愈不用戒口按以上五蠱未曾經驗即用蘇荷湯服之想亦可以取效

中疳中蛇中腫中癩諸方

蘇荷湯

紫蘇

南薄荷

青蒿

條參

連翹

各壹兩

槐花

元參

各七錢

柴胡

六錢

川芎

貳錢

生黃芪

五錢

按

蛇蠱加白芷

壹兩

三七

貳錢

受毒重者用水煎服服藥

之後病漸減者即是對症久服自愈大便秘結者加茨

菇菜壹兩更妙右方條參清肺火消腫脹連翹瀉心火

敗毒紫蘇入肺心脾殺蛇發表薄荷入肺殺蠱槐花清

肝火解毒生黃芪敗毒發表元參清腎火解毒川芎發

表青蒿殺蠱解毒凡中蠱治方大要不外殺蛇解毒發

毒敗毒之品按初中毒服藥得吐瀉者皆妙受毒者

如不能戒鹽葷但戒鷄鴨魚蝦蚌蛤等可也

槐葉湯

凡口乾火盛者此方主之

槐花

青蒿

各壹兩

生地

紫蘇

南薄荷

連翹各七錢

生黃芪

天冬

元參

花粉各五錢

黃栢叁錢

頭痛加白芷叁錢

川芎貳

錢水煎服

歸連湯

當歸

生白芍各叁錢

生地

連翹

百合

紫

蘇

蘇薄荷各五錢

川芎

槐花

黃連

生甘草各貳錢

水煎服

肚脹除甘草

大便結秘加茨菇菜壹兩

參芪湯

條參七錢

生黃芪

紫蘇

南薄荷

麥冬去

心青蒿各五錢

川芎四錢

茯苓叁錢

百合

生地各貳錢

連

翹

壹錢

水煎服

以上四方皆治蠱要藥治疳蠱更效受毒者隨時加減

服藥不外四方內藥品受毒極重者戒鹽葷女色服藥數月後開葷鹽近色無妨仍舊照方服藥一年或兩三年俟至出恭食物全不變則毒淨盡矣體虛者分兩酌量減用

蘇荷生地湯

紫蘇

南薄荷

青蒿

各壹兩

生地

條參

連翹

各八錢

槐花

七錢

柴胡

六錢

川芎

貳錢

生黃芪

五錢

此中蛇中疖中腫中癩良方也與前四方同功大便結

秘者重加槐花黃柏黃芩茨菇菜等味 小便赤者加

元參枝子茯苓 肝火盛者加生白芍 頭痛加白芷

蛇蠱加白芷壹兩三七二錢或帶熱嗽或咳血者紫蘇

薄荷減半加百合麥冬生芍冬壹兩 或時而傷風帶
寒嗽者去條參連翹槐花青葙生地加乾薑當歸半夏
陳皮白芷或人弱帶痢者去條參連翹槐花柴胡生芪
青蒿生地加百合白芍茯苓麥冬砂仁白朮乾薑 總
之神而明之存乎其人但蠱毒未淨不可服補藥與收
斂藥或兼有別病則兼治之而紫蘇薄荷則斷不可去
也 又口舌熱爛實火炎上則去紫蘇薄荷重加槐花
黃栢黃芩茯苓白芍元參澤瀉天冬石膏等味酒水煨
服

中疔一症有毒氣走在手者時而移上頭者或初服藥通

身發紅片者有通身麻木肉大跳者有頭面上血忽開忽合者或腦內有聲者治方同

蛇蠱一症有在兩脇皮內痛忽移上兩肩下皮內痛永不
出汗怕寒服藥後如有聲走入肚內者有在肚內痛會動
會移者有在心上脹口涎出痛而不移大便常下虵蟲者
或遍身如虱走竄卧則手腳跳起者治方同

老人中蛇蠱方

百合 四錢 蘇子 南薄荷 當歸 茯苓 白芷 白芍

各參錢 麥冬 連翹 各貳錢 水煎服 又方 南薄荷 蘇子

麥冬 白芷 當歸 各參錢 三七 生首烏 各貳錢 連翹 四

錢廣陳皮 木香各五百合五錢水煎服

老人血氣既衰不可全用峻利之品與大寒涼之藥故
斟酌平和之劑集成兩方但照方服藥之後內毒不安
仍然在內走竄而靜聽其毒漸漸墜下不能升上即是
對症服藥不必太急急則內毒跳起病人不安但當戒
食鷄鴨飛禽魚蝦螺蚌蛇蛤水族川山甲鱗蟲等物久
服藥或吐出肉一二塊或吐出黑星如豆大十餘顆者
或瀉下虻蟲數條者或瀉下黃坭水者瀉淨自愈愈後
仍戒食鷄鴨魚蝦等物數年終身戒食蛇蛤 一服藥
時凡一切發毒之物並猪牛馬羊肉及菓品煎炒皆可

食惟糖棗甘蔗宜戒以上見治蠱新方

通治蠱毒

梅師士云凡中蠱毒或下血如鵝肝或吐血或心腹切痛
如有物咬不即治之食人五臟即死欲知是蠱但令病人
吐水沉者是浮者非也用舊鼓皮燒灰酒服一二錢須臾
自呼蠱主姓名 又方舊鼓皮寬五寸長一尺薔薇根五
寸如拇指大水一升酒三升煮二升服之當下 又方

斑蝥

四隻去翅足炙熟

桃樹皮

五月初五日採取去黑皮陰乾

紅芽大戟

去骨各

為末此二味比斑蝥分兩各加一倍共為丸如棗核大用
米湯送下必吐出蠱一服不好十日再服必愈此人祖傳

秘方神效無比斑蝥有毒病愈後用解斑蝥毒方

見解救諸毒門

服之 又方 毒在上者用升麻煎湯吐之在腹者用鬱

金煎湯下之或合二味服之不吐則瀉活人甚捷 又方

一覺腹中不快卽以生黃豆食之入口不聞腥氣者此

中蠱也急以升麻濃煎湯飲以手摳吐卽愈極效如食豆

而腥者卽非蠱也 又方 蚯蚓十四條好醋泡至蚓死

取醋汁服如肝爛已死者皆可治此葛仙方也 又方

馬齒莧 又名瓜子菜 搗汁一升飲渣敷痛處日飲四五次甚效

又方 先取炙甘草一寸嚼之嚥汁若中蠱毒隨卽吐

出仍以炙甘草 參兩 生薑 四兩 水煎日三服若含甘草而

不吐者則非蠱毒此蓄蠱家秘傳也 又方 凡中蠱毒

無論年代遠近但煮一雞蛋插銀器於內含入口中約一

時久取出蛋銀俱黑者即中蠱也方用 五倍子貳兩 硫

黃末壹錢 甘草叁寸壹半微 丁香 木香 射香各壹 輕

粉叁分 糯米貳十粒 入小砂罐內煎服木香忌火服 後用高

枕平正仰卧腹中如有物衝心不必驚動預備瓦鉢以便

嘔吐吐出如魚鱗之類乃是惡物吐罷飲茶一杯瀉亦無

妨少時服食白粥忌生冷油膩酢醬十日後再服解毒丸

兩三粒即愈

辟蠱毒法

此法... 辟蠱毒法... 辟蠱毒法... 辟蠱毒法... 辟蠱毒法...

凡人家房屋潔淨並無灰塵蛛網者卽係有蠱之家勿與往來以免受害 又方 凡食茶水菜飯等物將要食時用筷子向杯碗上敲動並向主人問云食內果有蠱毒否一經問破則可免害 又方 將食時自帶生大蒜頭食之有蠱必當場吐出不吐則死主人畏累則不敢下蠱 又方 大葶薺不拘多少切片晒乾爲末每早空心白滾湯調下二錢入蠱家無害此神方也 又方 凡不飲酒之人受蠱輕而易治飲酒者受蠱重而難治蠱毒多在烟瘴邊地凡有烟瘴之處又宜飲酒以辟瘴氣是亦不能不飲總之在家多飲出外少飲爲妙

...

...

...

...

...

...

...

...

...

...

瘡癩

解烟瘡毒

用磁瓦有鋒者或刺額上或刺眉叢或刺兩手膊出血一
升即解血紅而多者輕血紫而少者重

又方 白朮 陳皮 茯苓 半夏 梔仁 山查

神曲各壹錢 連翹 前胡 蒼朮各七分 生甘草四分 生薑引

煎服數劑神效凡客遊不服水土者亦效

又方 生熟大蒜各七片共食之少頃腹鳴或吐血或大

便即愈

辟烟瘡法

凡雲貴兩廣等省地方忽有一股香味撲鼻卽是瘴氣斷不可聞以免生病

又方 凡有瘴氣之處飲食不可過飽每日須飲酒數杯不飲酒者亦強勉飲之可辟瘴氣有三人早行山霧中一死一病一安然無恙後乃知死者係空服病者飽食無恙者飲酒也

凡瘴氣之毒而多者則血氣少者重
凡瘴氣之毒而少者則血氣多者輕
凡瘴氣之毒而平者則血氣平者中

瘴氣

驗方新編卷之十六

諸血

七竅出血

凡耳目鼻口而齊出血名曰上虛下竭死在須臾不及用藥先將冷水當面噴幾口或婦女急分開頭髮以水噴之男子無髮可分用粗紙數層冷醋浸透搭在額門其血即止或用鼻部鼻血第一方立止如神隨用補血湯香炙黃芪壹兩當歸五錢煎濃湯加沉香五分童便壹盞兌服血自歸經再加調理多有全活

口鼻出血不止

吐血見勞傷吐血門

用多年尿壺火上烘熱向鼻熏之立止如神屢試屢驗或

照鼻部鼻血第一方治之更為神妙 又方 韭菜搗白

然汁半碗飲之立見功效 又方 生地 麥冬 各壹煎

服亦效 又方 因酒色過多口鼻出血如泉湧者 荊

茶燒枯 陳皮煎湯調服 錢即愈 荊茶 荊茶 荊茶 荊茶

藥 耳鼻流血不止 荊茶 荊茶 荊茶 荊茶

照上口鼻出血各方治之 曰 土龜不礙液去瘀史不又用

臍中出血並治齒上出血

俱用六味湯加骨碎補壹錢飲之即愈 蓋臍齒亦俱是腎

經之位而出血俱是腎火之外越也 六味湯滋其水則火

白息焔矣骨碎補端能止竅補骨中之漏者也故加入相
宜或用鼻部鼻血第一方亦效六味地黃湯見備用諸方

毛孔出血不止

猪瘦肉一厚片貼之即止如神猪皮亦可 又方 煮酒

罌上紙扯極細碎如楊花樣攤在出血處按之即止 又

方 草紙燒灰候冷敷之亦止 又方 穿山甲炒研細

末敷之用布紮住即止隨服補血湯見前數劑全安有人

手背毛孔出血數日不止又一人腎囊上毛孔流血數日

均用此方而愈效若仙丹凡油篋破漏小孔油出不止者

用此亦極效驗

用此毛孔節次出血不出則皮脹如鼓頃刻口鼻眼目俱

以用此脹而愈效甚而具此而進如鐵小疥出不出者

此名脈溢症飲生薑汁一二盞即愈囊土手疥養血選口

未煉之用奇茶封腫出調頭腫血熱見前燒煉全安育人

式神草除熱頭腫血熱之疾血愈又式 突山甲炒研碎

蠶土飛甚蠶絲研碎對對出出血熱對之噴出 又

條裏內一里式根及噴之吹脈養又亦可 又式 養酒

手并出血亦五齒上出血

且近用鼻脂鼻血凝補式養發原補用毒式 齒亦俱是野

日息欲突骨新凝結諸血熱痛骨中之熱香出結成入肺

諸汗

止諸汗法

健猪肚

壹個洗淨

以糯米裝滿用線縫口放砂鍋內水煮極爛

將肚與湯食盡糯米晒乾為末每用小盞空心米湯調服

極效

自汗

常出者為自汗

鬱金研末卧時蜜調塗於兩乳即止又方空何首烏末

口水調封臍中用布捆定即止又方五倍子枯礬

等分為末口水調勻填臍中用布縛定立效又方

蒲扇燒灰和粉撲之或用酒調服一錢極效

盜汗

睡中出者爲盜汗

五倍子

研末

用人乳調蒸熟丸如龍眼大每用一丸貼臍上

外以核桃壳蓋之用布縛定一週時取下再換貼至十日

後卽止

又方

帶露桑葉瓦上焙乾爲末空心米湯調

服二錢數次全愈有人睡後汗出遍身衣被皆透二十年

不愈後照此方服至數日斷根真神方也

又方

鷄蛋

五個將殼輕輕敲破勿破內之白皮浸童便內一晝夜用

冷水漸漸細火煮熟食之數次卽愈

又方

蓮子真

浙江黑棗

各七個

浮小麥

馬料豆

各壹合

水煎服數次全愈

其效如神

身出黃汗

此溼熱也將變黃疸照黃疸門各方治之

黃疸如蠶行搔破見血或風熱疹子成顆成片後列各方

合

防風 荆芥 防風 當歸 生地 苦參 蒼朮

胡麻仁 牛蒡 炒研石羔 煨知母 木

通路至水煎服屢極者宜服此藥以消風熱則其重者

用 摩風膏 搽之極為神效

取其用摩風膏外敷用也 又方 白花益母草數漚

取其用摩風膏外敷用也

五倍子糊用人乳調蒸熟丸如龍服夫每用一丸貼臍上
外以核桃壳蓋之用布縛定一週時取下再換貼至十日

後即止 又方 帶露桑葉先土焙乾無水空心水浸

服二錢數次全愈有人服後汗出遍身衣如汗下
不愈後照此方服至數日斷根真神方也 又方 雞

五個將雞乾乾高研多研內之白土其

冷水漸漸細火煮熟食之數次即愈 又方 蓮子

此藥無由採獲黃鼠門谷衣各一各一煎服數次全愈

良山黃粉

遍身搔癢

身癢難忍

或癢如蟲行搔破見血或風熱疹子成顆成片後列各方

皆治

消風散

荆芥

防風

當歸

生地

苦參

蒼朮

炒

蟬蛻

胡麻仁

牛蒡

炒研

石羔

煨

知母

各壹錢

甘草

木

通

各五

水煎服癢極者宜服此藥以消風熱即愈極重者

外用

摩風膏

見癩毒諸方

搽之極為神效體虛者前藥斷不

可服只用摩風膏外敷可也

又方

白花益母草熬濃

湯服並洗浴數次神效血虛者忌服只須洗浴可也 又

方胡麻仁 威靈仙 何首烏 苦參 菖蒲各錢 甘

草貳錢 共用為末每服三錢淡酒送下此武當山碑刻神

方也 又方 荆芥 防風各壹錢 赤芍 銀花 小生地

各八分 木通五分 甘草叁分 水煎服極效此葉天士先生方

也 又方 蒼耳子煎水洗極效 或用生車前子研末

水調搽或蜜調搽俱妙 又方 好熟白蜜酒調服並用

蜜調熱水搽之 又方 鹽貳升 水壹担 熬至一半候溫

洗浴三五次能散一切風氣 又方 香附草又名莎草園地塔堦

隨處皆有其草只有兩莖高不過三四寸根名香附子用苗不用根 取苗二十觔少則切細不效

煎農易乘熱重先數次干出養上常用即可新浪其效日

神一切風熱發癢皆治 又方 赭石研末酒調一錢空

心服甚效 又用後南瓜方治之亦極效驗 一人夜靜

面上皮內癢不可忍諸藥不效用滾水盪洗略住後用好

醋煮滾加硫黃和入時時擦之而愈 又方 一人田間

收稻忽然遍身癢入骨髓用食鹽九錢以滾開水分作三

碗泡之每飲一碗以手抵住舌根使自嘔吐三飲三吐而

愈 又方 一人渾身上下四肢俱生風熱疹子成顆成

片耳孔鼻孔俱已生滿心中發熱悶燥頭眼俱腫以滾水

盪之自在一時少刻又癢百藥不效後以燈火燒背脊兩

傍共六下心口一下乳下二下軟脇眼左右二下肩尖左

右二下手灣上左右二下脉門左右二下虎口左右二下
小指節縫中左右二下圓膝下外左右二下腿肚之下左
右二下大腳趾了左右二下天庭中太陽共五下隨用糯
米搗漿調水服一茶碗精神鬆爽並用糯米漿以鵝翎蘸
掃渾身二三次方愈 又一小兒身癢用生薑搗爛布包
擦之而愈

風溼疹子

疹乃熱也不可用人參白朮當理血而不宜散血疹初起
必發熱口渴狀如紅雲一片與斑相同但斑無頭粒而疹

有頂立口量交之狀用 元參 參 錢 常 歸 貳 錢 汁 蘇 五 分

甘草五分葛根壹錢水煎服 心火加黃連叁分肝火加

梔子六分肺火加黃芩 麥冬各壹錢 又方 生地 牛

子 丹參各叁錢 荆芥 防風 木通各錢半 石斛 連翹各

錢紫草絨 蟬蛻 鬱金 犀角各壹錢 西河柳葉五錢又各觀音

柳水煎服此葉天士先生方也屢試如神西河柳能達皮

膚非此不效體虛者少服

膏 風熱疹子作癢心下迷悶

巴荳五十粒去皮煮濃汁以布蘸抹即愈

風熱疹子作癢成瘡

蠶沙一升水五斗煮取一斗二升去滓洗浴避風

遍身瘙癢抓破見血

名血風瘡

老南瓜

北人呼為倭瓜 倭音窩

去皮煮爛布包擠去水

厚厚敷之三日收功

又方

內服消風散

前見外用黃連

膏

見鼻部鼻內生瘡門

或摩風膏

見瘡毒諸方門敷之極為神效

又方

楓子肉

蛇床子

各五錢

枯礬

點銅錫

各壹錢

共為末加水

銀貳錢

和生豬油搥融搽之並治坐板瘡及癬瘡蟲瘡其

效甚速

痱子癢痛

痱音會

滑石

五錢

菜荳

四兩研成粉微炒

和勻以棉撲之

痱子作癢抓之又痛難於坐卧

苦參四兩 大菖蒲二兩 河水五瓢同煎數沸添水二瓢蓋
片時臨洗和入雄豬胆汁四五枚洗之避風甚效或照各
前方治之

邪怪

男婦病邪與邪物交獨言獨笑悲哭恍惚

明雄黃

研細

蒼朮

研細各壹兩

松香

貳兩

先將松香溶化以虎

爪和各藥末爲丸如彈子大夜燒火籠中令病人坐其上

以被蒙住露頭在外扶住熏之連熏三夜邪物自去愈後

必然泄瀉多服平胃散

見內外備用諸方

自愈內有蒼朮最能辟

邪此仙方也終身忌食螃蟹

驅狐怪法

凡狐怪作祟擾人用硃筆寫

關聖大帝在此六字帖

之如仍不去卽誠心向

關聖廟拜禱必去或立

九天應元雷神普化天尊牌位供奉中堂誠心拜禱或赴

雷神廟禱告一切邪怪皆退緣

關帝

雷神

能制邪魔誠求必應

又方

凡狐迷男女白日用口吸

精夜間交媾如人用真桐油搽陰處自去或用珠蘭根搽之則獸自死即將獸肉曬乾爲末服之更妙

灸鬼法

治一切邪祟癲狂胡言亂語踰牆上屋尋死等症以病人兩手大拇指用線齊頭捆攏用艾絨於兩指縫中離指甲角一分半之處名鬼哭穴半在甲上半在肉上四處盡燒一處

不盡其矣不愈神效不可量也

又方

絲綿壹尺堯灰

兌酒服或開水送下均效

制邪鬼法

端午日午時用豬頭血和明雄曬乾收之或燒煙熏或帶
身旁卽能制鬼 又方 端午日以雄黃搽狗口鼻用樟
木燒煙熏之此狗卽能制鬼

辟鬼火法

夜行時見碧火出沒此鬼火也能奪人精氣用鐵馬鐙敲
動作嚮卽滅

鬼箭傷

鬼打傷死見卷
十二急救門

身痛有青色用亂髮擦之髮捲成團而硬者卽是用金銀

花壹兩煎水飲之即愈 又方 山梔炒 灰麩炒 桃枝尖

七箇

共搗融作餅貼之次日將餅取下分作七丸放炭火

中燒之燒時聲响即愈不愈再燒以愈為止 又方 狗

骨燒灰貳錢 梔子七箇 灰麩 椿芽各壹 共為末醋調敷

切忌針刺 又方 有人為鬼氣所中腿上生瘡百藥不

愈後用乾狗糞枯而白者燒煙向瘡口熏之拔出清水數

碗亂髮十餘團而愈 又有人折足腫痛不能履地屢治不

效亦用狗糞熏之初次不效二次拔出肉釘三箇而愈

又方 鐵渣取細淨 核桃又名胡桃取 桃仁八兩 同入磁

瓶內加好酒四觔蒸熟每日不拘時隨量飲酒蓋被取汗

服後痛甚無妨越痛越好服完自愈

增補去邪怪法

取州縣官堂上硃筆在病人心上寫一正字頸上寫一刀
字兩手寫兩火字卽愈蘇州韓氏家僕遇邪以此法治之
寫至左手火字其人張目大呼曰勿燒我我卽去也自此
怪絕事載子不語集 又一婦爲怪所迷百計不去後設
法將怪推入婦女尿桶中變朽木燒之遂絕 又一人忽
見黑氣入褲中似覺婦人陰戶一接而精卽流出符藥不
愈其人平日虔祀 呂祖忽一道人教佩麝香可愈初佩
麝假而少不效後用眞麝香兩餘佩戴身旁其怪遂絕

其其人平日與脈 曰脈急一散人楚亂亂者何愈時脈

只黑涼人轉中以得散人針只一對而散則病出針藥不

針藥至引人最久矣而中後河水木製之慈藥 又一人

針藥律師于不嘉果者又一制欲針測散百指不夫以費

以空空年火字其人飛曰大和曰以熱楚好咽去身自批

十兩手黨兩火字唱魚煎批韓丹寒對散深以批去命之

又批散者上求藥到病人心上真一五字腰上真一八

批散去麻到去

批散去麻到去

奇病

頭頂生瘡五色形如櫻桃破則自頂分裂連皮剝脫

至足

此症名肉人常服牛乳自愈或照頭部葡萄瘡治之亦效

眉毛搖動晝夜不眠呼喚不應飲食如常

大蒜貳兩搗汁兌酒飲自愈

頭面發熱身有光色

大蒜汁五錢酒調服吐物如蛇卽愈

面腫如斗眼中見人只三寸長

此痰症也用瓜蒂炒紅飯豆各壹錢水煎服一二劑使痰

吐盡腫消而愈再用

黨參

焦朮

茯苓

半夏

各三錢

甘草

壹錢

陳皮

五分

水煎服

二十錢

見一物如有兩物

此好食魚鮮所致食薑醋加紫蘇水數日自愈

見一物如兩物或三四物又見棹椅等物平正者視

之反歪斜歪斜者視之反平正

或用補藥瀉藥寒藥熱藥皆不效又服滾痰丸更不效者

此胸膈有伏痰也用

常山

五錢酒煮

黨參

參錢

甘草

壹錢

生薑五片水二碗煎八分食遠服吐痰而愈

醉後嘔吐視物顛倒

治法見卷十二煙酒醉傷門

眼見諸般飛禽走獸以手撲捉則無

此肝胆邪火也用

棗仁

羌活

青箱子花

卽石決明花元

明粉

各壹兩

共爲末每服二兩水一碗煎七分和渣飲之一

日三服卽愈

眼見五色之物忽又變成美女

此色慾過度虛極所致急請明醫診治必愈

愛食豬肉或生油生菜

均見痞癖門

口鼻流出臭水以碗盛之內有魚蝦走動捉之卽化

為水

此肉壞也多食鷄自愈

口鼻中氣常出不散凝如黑蓋過十日後漸漸至肩

胸與肉相連堅如鐵石

澤瀉煎湯日飲三盞連服五日即安

身發寒熱四肢堅硬如石敲之作鐘磬聲

吳萸

貳錢先用
熱水泡過

煎水

木香

貳錢

研末兌服自愈

週身皮肉內滾滾如波浪聲癢不可忍孤之血出

此名氣奔症用

虎杖

又名苦杖大蟲杖酸杖其梗似紅
蓼其葉圓似杏其枝黃似柳其花

似菊其色如桃花其樹
高數丈或文餘不等

台黨

青鹽

各貳錢

細辛

七分

水煎

緩緩服

面如蟲行不時燒熱

此症恐是痲風查卷十一痲風症辨明治之

身如蟲行癢不可忍

此風熱也照前遍身搔癢方治之

身如蛇蟲行走作咬或腹中蛇蟲鳴動

此症恐是蠱毒查卷十五蠱毒方治之

皮膚中如有蟹行走有聲如小兒啼哭

此筋肉之化也用雷丸

雄黃

各五錢

共爲末摻猪肉片

上火中燒熟食之卽愈

又肋下生瘡有聲如小兒啼哭

治法見肋部內

皮膚手足之間如蚯蚓鳴

此水溼生蟲也用蚯蚓糞敷於患處一寸厚鳴止再用

薏以仁

芡實各壹兩

白朮五錢

生甘草叁錢

黃芩貳錢附

子叁分

防風五分

水煎服即愈此治溼則蟲無以養又有

生甘草以解毒殺蟲防風去風而逐瘀附子斬關而搗邪

所以奏功如神也

週身發斑眼赤鼻脹氣喘毛髮硬如銅鉄

此胃中熱毒結於下焦用

滑石

白礬

各壹兩

水三碗煎

至一碗冷服即愈

外用吳萸末熱醋調敷兩腳心一週時一換以愈為止此法最妙

身上忽現蛇形痛不可忍

外用雄黃末猪油調搽內用托裏解毒湯

見內外備用諸方

卽愈

氣旺者用荆防敗毒散

見同上

更妙

又方

取雨滴礞石

上苔痕用水融化噙之卽消又癰毒門內有蛇形瘡方可

參看

遍身忽然肉出如錐癢而且痛不能飲食

此名血攤症不速治則潰爛膿出急用赤皮葱燒灰淋洗內服淡荳豉湯數盞自安

遍身生燎泡如甘棠梨破則水流其泡復生內有小

石一片如指甲大

此症抽盡肌肉難治

三稜 莪朮

各壹錢

為末酒調服

極效

自頭麻至心窩而死或自足心麻至膝蓋而死

小孩糞

乾結者佳稀者不用

陰乾瓦上燒枯燒至煙盡為止每服三

錢豆腐漿調服或用豆腐調服亦可甚效又方

子燒灰為末每服一錢黃酒調下不如前方之妙

外用吳黃末熱

醋調敷兩腳心一週時一換以愈為止此法最妙

臨卧遍身虱出血肉俱壞漸生漸多舌尖出血身齒

俱黑唇動鼻開

日飲鹽醋湯數碗十日自愈

忽有人影與己隨行坐卧久則成形與己無異

此名離魂症用

黨參

五錢有力者用人參壹錢或用高麗參叁錢亦可

辰砂

茯苓

各叁錢

煎服數劑俟形影不見再服十全大補湯以免

後患

人前不食背地偷食見人則避面色黃瘦

此名鼠膈病乃食過夜鼠饑之涎所致用 十大功勞葉

一名鼠怕草

葉似蒲扇有五角角有刺焙乾爲末每早空心服

一錢酒下服至半月卽愈

卧牀四肢不能舉動口說大話並喜說食物

此名失說物望病也病人如說食肉便云與爾食猪肉一頓病人聞之卽喜以肉放病人前臨要吃卻不與吃此乃

失他物望也不必服藥其人睡中口流涎出自愈

瘡癤內有雀鳥出者有亂髮出者有瓜菜出

有雜物出者

此邪崇也用

狗糞

要乾而色白者

燒煙熏之越出越多出盡自愈

人生尾巴

用藥線

見癰毒諸方

捆住尾根漸漸捆緊半月自落落後再請

名醫診脈多服補陰之劑以免復發

又附同治二年麻症頃刻四肢作麻心中煩悶病難名狀

漸覺遍體俱麻數時即死急用

樟腦

松香

研極細

末溫酒調擦兩足灣兩手灣見有小紅泡用鋒利磁針挑

破抹去惡血病自鬆減隨服雷擊散

見癰毒門可愈

藥物備要

地黃 以懷慶產者爲上聞彼處頂上者每觔需銀一兩有奇近來兩湖兩廣每觔不過三五百文至多亦不過七八百文焉能無假總以透心黑者爲佳中心微黃者次之有以紅白蘿蔔用地黃汁侵透假充尤宜細辨白朮 以於潛產者爲上然貴而難得此外總以朮內白者方可用不白卽係蒼朮用之有損茯苓 取整個切片照之微有筋膜爲真近來多以米粉和苓末咀片假充又有以米粉包裹松根種成整個者亦宜細辨

茯神 眞者木心或在旁或在中亦不止一心切開有筋膜者是也假者木心在中且止一心而無筋膜

人參 參最易蛙見風尤易蛙惟納新器中封緊經年不

壞若炒米包藏須攤過一夜方用否則參亦易壞然炒

米亦能生蟲或用新棉包之又參最忌日曬惟火烘不

妨煎參須用流水用止水功緩參本多假難於辨認無

力尤不易得以故集中少用

高麗參 多以東洋參及別藥假充其法用大紅縐紬包

裏蒸之使縐紋顏色透入再用桂圓肉汁拌入烘乾色

味與眞高麗參無異欲試眞假以氣虛及昏暈時服之

有無功效爲準

黨參 色黃味甜枝軟菊花心爲佳有以一種甜黨染色

假充者功緩無力

鵝不食草 又名石胡荽野園荜鷄腸草地胡椒地桐毫

葉小花黃子如胡椒堆砌及平地隨處皆有

旱蓮草 又名鱧腸草墨斗草墨頭草墨東草其莖微紅

折斷處色卽變黑

紅茅大戟 肉色微紅者眞色白者名綿大戟瘡毒用之

不效

穀樹 又名楮樹柘樹葉有兩杈如雲板樣亦有無杈者

以刀紮樹身有漿流出者是

甘遂 味苦寒每觔用甘草四兩煎湯浸入三日後去湯
用河水淘洗後用淨水浸之每日數次三日後去心再
淘再浸四五日取一撮入白磁盆內隔一宿看盆中水
色不變乃妥再淘三四次瀝乾以麩裹如團入糠火內
煨煨至麩團四面皆黃內藥熟透取出曬乾入鍋炒透
磨粉其苦寒之毒經製則淨不苦而甜不寒而溫專消
堅結痰塊核毒

木鱉

水浸半月入鍋煮數滾再浸熱湯中數日刮去皮

心每日辰時入香油鍋中煮至油沫盡再煮百滾透心

黑脆以鉄絲篩撈出卽拌入炒紅土磚細粉內拌至土粉有油氣入粗篩篩去油土再換炒紅土粉拌一時再篩去土連製十日時刻不可錯亂以木驚同細土鍋內再炒入盆拌罨一夜取驚去土磨粉用此物能搜筋骨入骭之風溼祛皮裡膜外凝結之毒痰所煎之油可入熬膏用此物最毒倘炮製不透服之必發戰而死是不可不慎也

乳香 如乳頭明透者良近來多以楓香假充性粘難擊每兩用燈心二錢五分同炒炒至圓脆可粉爲度扇去燈心取香磨細用

沒藥 色赤如琥珀者良亦用燈心同炒與製乳香同

冰片 多以樟腦假充以牙色如梅花片者良用杉木炭
養之則不損耗

血竭 味甜鹹色赤以染透指甲者爲真若味大鹹有腥
氣者是海母血假充

阿魏 味極臭取少許沾銅器上過夜沾處色白如銀者真
硼砂 色黃如膠者真

沙苑蒺藜 以潼關產者良皮貨店所帶形扁如腰子色

綠者真

赤小豆 又名飯豆扁而紅者是若半紅半黑名鬼眼豆

無益有損斷不可用

烏梅 生青梅蒸熟用稻草灰拌入曬乾卽是店中多有

以小李假充必須自製用之方效

柿餅 以大者爲佳有小野柿假充用之有損

苧麻子油 苧麻子五升搗爛用水一斗煮有白沫卽取

起待沫盡乃止去水將沫熬至點燈不炸爲度

燈心炭 取活竹一段兩頭畱節中開一眼以燈心塞滿

外將原刻竹仍填原眼加泥裹好入糠火內煨至竹成

取一炭取內燈心炭用

阿膠 味不臭者佳色綠者爲上有氣味者必假不如好

牛膠代之

鹿茸 茸有數種佳者頗不易得茸片尤假一人與茸客至交因體虛向客索得血片一筋服之體虛如故毫不見功怪而問之茸客醉後吐實係用牛尾猪血和藥做成其片放手心亦能捲動與真茸無異

鹿膠 凡膠以自熬為真鹿膠必用真關東鹿角熬服方效若川角魚角色白而長者俱無力

龜板 龜板生用有力藥店多以熬過龜板混充不可辨

龜膠 此膠亦宜自熬板以厚而黑者為佳黃而薄者力無

癩蝦蟆 又名癩團又名老蟾目紅腹無八字文者不可

用

蠅螂 又名推車蟲推屎蟲以人糞一團如推車者是

搔蛺子 本名蛸蛺蟲又名偷油漢江蘇人呼為體骸有

翅能飛其色紫如油竈邊及有食物之處最多

蜒蚰 本名蛞蝓又名鼻涕蟲其形似也

蝸牛 頭有鬚尾有螺壳者是

螭蛄 又名螭蛄即土狗也

蠃蟲 大如蜜蜂腹四褊微黃綠色喜食牛馬血

又名蝗
捨命

大收靈藥與四蘇燻黃絲白喜食半煎血又餅命

本各融融又各鼻融融其涎也此

本各融融又各鼻融融其涎也此

本各融融又各鼻融融其涎也此

甲

雜治

治熱病法

外用吳萸末熱醋調敷兩腳心一週時一換以愈為止此法極妙

凡熱症有心胸煩悶者有日久沉睡不言者此火伏於內也
用菜豆和建橋餅煎湯溫服一面服以清涼之藥一面
以此湯飲之自易奏效再以好梨食之更妙

困倦喜睡齒暗無色舌白昏昏不知痛癢處或下痢

或不下痢

此蟲食肛門症也用

桃仁

十五粒好醋壹碗去皮尖

煎

熱連桃仁服

沉悶無聊若有病狀

驗方新編

卷十六

雜治

五

一人沉悶無聊若有病狀遇一名醫云此熱症已極氣血
消鑠不急治一二年後必發大癰而死惟每日食好梨一
個服至一年不可間斷依法服之而愈梨久易壞照後收
藏食物法可以久留

夜不能睡生地叁錢麥冬貳錢北五味
七粒水煎連服三日必效

燈草一兩煎水當茶飲向晚不可飲茶

飛絲纏身

飛絲纏往耳鼻手足等處腫痛不已用威靈仙煎濃湯

洗即愈

身上無故生蛆

煎黃末熬酒馬薄荷心一

蛇蛻研末麻油調擦蛆出自愈

除虱子

一人臨睡周身虱出數升血肉俱壞每宿漸多癢極難言
舌尖出血不止身齒俱黑唇動鼻開用鹽醋湯飲之十日
而愈尋常生虱子者用後銀硃方神效

辟臭蟲

臭蟲多則迷人耗損氣血須將門窗關閉緊密無縫用宜
木瓜燒熏極效居客店者尤宜熏之 又方 硫磺
爲末和棉花子燒烟熏之二三次卽去又後有銀硃方最
辟蠹魚跳蚤虱子臭蟲

七里香

即蕓香

置書中及蓆下自去

又方

頂上銀硃

壹

兩

紙捲燒熏

一切蟲蟻蜈蚣聞之即死真妙方也

木辟螞蟻

粵西螞蟻最多有入衣箱及被褥者一見大蒜即去或勤加點檢亦去

而會辟白蟻

梔子能消白蟻爲水或用銀硃方極效

人辟蛇

香白芷栽植園中蛇不敢入

又方

獨腳蓮草初發生

寺更以蓮草栽植園中蛇不敢入

黃如桐子大燒烟以熏衣服被褥之類則蛇不敢近

辟蜈蚣

頭髮燒烟熏床下或廚房蜈蚣聞之入土三尺或用前銀

硃方尤效

辟食屍蟲

各種怪蟲愛食死屍揮之不去惟用豹皮將屍掩蓋則散

收蚊蟲

五月五日取癩蝦蟆一隻剖開不去腸雜埋入十字街心六月

六月取出將蝦蟆肉在房中壁上畫一圈其蚊盡入圈內

此房永無蚊患又方五月五日五更時使二人在堂

中向空扇一人問云扇甚麼答云扇蚊子凡七問七答不可嬉笑一夏永無蚊入此山西九十老人黃澹翁所傳也

耗鼠竊油

黜黜一妻陪開

黜黜

黜黜

黜黜

黜黜

黜黜

黜黜

黜黜

黜黜

香油

壹劬

入桐油

叁兩

點燈鼠不敢竊

點燈鼠

不敢竊

不敢竊

不敢竊

不敢竊

不敢竊

不敢竊

不敢竊

用機軸紡織器具置放田間即去

辟盜賊刀兵疾病鬼怪虎狼蛇蟲

螢火蟲

鬼箭羽

葵藜

各壹

雄黃

雌黃

各貳

羚羊角

各貳

共為細

共為細

煨存性壹

枯礬

貳兩

鐵錘

上木柄

取錘眼中者燒

共為細

共為細

共為細

共為細

共為細

共為細

末加雀鳥冠一具鳥蛋數枚青丹五錢口

丸如杏仁大用三角形絳色紬包每盛五丸入病人家
帶左臂上從軍繫腰中居家掛門上行船掛船頭可避
賊盜刀兵疾病鬼怪及虎狼蛇蟲有人在軍中配帶此
藥賊放箭炮離身數尺卽落不能傷人此務成子方也
見本草綱目螢火小註寒照平間山西五某軍掛此藥
避難時止小兒啼哭水調服心向天對鏡口念
預備綿爲小毬隨兒大小爲之以甘草煎濃汁或不熟棗
膏浸過有甜味者隨身帶之臨時以口津潤透放兒口中
兒不啼哭免賊搜尋賊過則去之前朝靖康年間有神人
書於通衢救人甚衆

止火法

凡遇火起之處用鷄蛋三個每個大頭寫溫字小頭寫瓊字向火焰絕高處儘力擲去口念敷施發潤天尊連擲連念其蛋落處火焰自低矣又方火起之處不論遠近各家男婦大小每人持米一盤誠心向天搖簸口念敷施發潤天尊其火自熄康熙年間山西伍某事母極孝一日母病禱於神夢神人告曰爾母病易愈惟爾村中月內當有火災可速遷避某因事未卽遷居後屢夢神人促之某問神禳解法神卽以前二法告之數日後村中火起

某告村衆如法試之其火頓息此亦青齋翁行事

救饑法 石炭串通漁利南北皆然不可不察

糯米 叁升 水淘慢火炒熟 芝蔴 叁升 水淘慢火炒熟先

將糯米磨粉後入芝蔴同磨為末又用 紅棗 叁觔 煮爛

去皮核搗和為丸每重 五錢 日食一丸滾水送下可以不

饑如無糯米紅棗即粘米黑棗亦可饑年製送功德無量

又方 板栗 去皮 紅棗 去皮 胡桃 去皮即 柿餅 去蒂 各等

分蒸一二時取出放石砵中搗極融爛捻為厚餅以冬月

吉日修合曬乾收貯一餅可耐三四日不饑過三四日再

服一餅更能耐久此藥補腎健脾潤肺清肝須細嚼為妙

又方 黑荳 七升 芝蔴 叁升 水淘過即蒸不可泡久蒸過

驗方新編 卷十六 雜治 三

曬乾去壳再蒸以三蒸三曬爲度搗爲丸如龍眼大每服
一丸三日不饑 又方 紅薯洗淨蒸熟候半乾搗爛加
糯米粥和如泥糊竹籬上愈久愈堅不蛀不壞如遇荒年
取手大一塊煮清粥一大鍋食之能耐饑或做土塊樣砌
成墻壁留下更妙 又凡遇凶年施粥饑民急於得食若
過於沸熱必傷腸胃往往食後百步間卽仆倒而死宜於
夜間煮粥盛大甕中次早以木棍攪勻與食最妙 又餓
極之人不可食乾飯乾物宜以極清稀粥少少與食一日
食數十次總不宜多或以稀粥潑桌上令其漸漸吮食食

至數日後方可稍食乾飯亦不宜多食

往脹死乾隆戊戌年間湖南省歲歉施粥饑民貪食死者甚多後用此法活人無算

行路不迷

帶龜而行雖入深山無人處至三叉路口將龜放下依龜而行自不迷路

夜行無恐

用右手中指在左手心寫我是鬼三字將手握緊自不畏懼黃澹翁傳

客路須知

凡水陸舟車孤村野岸之處有一種悶香賊匪稍不防備

即被迷悶竊掠一空臨睡時口含冰糖

沙糖片亦可或含甘草

可免如或吞下必須添含其門腳窻縫多撒白沙糖

黃沙糖亦

可為妙或用清水一盆置房中亦免昏迷並辟邪鬼如被

迷悶不醒飲冷水或糖水甘草水均可解 又睡時用明

雄要大的戴頭上或繫左腋下亦能辟邪 又客店人多屋

少之處多有人死未及殮埋將屍藏匿榻下尤宜詳細看過

暈船暈車

坐船頭暈嘔吐者開船時向 天后宮或江神水神之處

誠心拜禱即安或飲童便最妙飲白沙糖水亦可或用撐

船竹篙水商碗中以滾開水兌服亦效 又方 下船時

將竈心土一塊藏髮中勿使人知卽安或寫土字於手心
坐船卽不恐怖取土能掩水之義暈車嘔吐者亦飲童便
爲妙或白沙糖水亦可

渡江胆怯

用黃紙以硃砂寫兩字戴身旁自安黃澹翁傳

罪囚邪術避刑

役有口含藥物或帶身旁或賄差
內侍傳遞尤宜加意閉防

黃紙上用硃砂水印二顆先將印用皂
角水洗淨油一貼罪囚背上一

貼心口並用茶荳煎水與服可破甚效 又方 用細竹

条出其不意撲之或於夜靜忽然提訊猝不及防亦可破
也又有運氣自耳鼻及糞門出者塞其耳鼻糞門自招

造屋禳解

凡起造房屋先請善觀陰陽者過細查看屋內如有邪怪
即將瓦椽折去用牛將地犁過一次若有古塚必須作文
祭禱起遷另葬爲要

解酸酒法

頭二蚕沙

乾者
貳兩

量酒多少加減酌用布包放酒中封固二

日後開飲味好且能益人

又方

紅飯荳

扁而微
紅者是

炒香

量酒多少用布包入酒中味卽轉正

又方

如酒一觔

加鹼水一二滴試過再加不可多亦不可少加後卽炖熱

飲久則味變酒店多用石灰解之飲之傷人

製食物法

煮肉用籬上舊竹篾捆之則易融爛 煮肉燒肉忌用桑

柴火

蒸腊肉或火腿取燒紅炭放皮上畧燒片刻則皮易爛

煮臭肉須切片用短稻草同煮其臭氣盡入草內

暑天煮凍肉將肉煮透放灰中過夜卽凍 又方 用洋

菜煮融和入亦可

夏月肉用醋煮可留數日

炖羊肉加靑草一把易爛而不膻

煮雜色羊肉入松子數粒則不毒投竈邊瓦一片易爛

煮老鴨放竈邊瓦一片亦易爛

洗猪肚猪臟用鹽或用糖則不臭用麪同洗亦可

煮魚臨熟入川椒數粒則去腥用枳實數片或鳳仙花子

數粒則骨軟下木香亦不腥

造魚鮓先用鹽並礬醃洗去涎再用炒鹽紅曲末醃透入

罈則經久味佳

糟蟹用皂角一寸置罈底則黃不沙亦不散或入白芷黃

亦不散

醃薑先用蟬退泡水洗再用蟬蛻數箇入罈底雖薑老亦

無筋

煮筍入薄荷加鹽則不老而味更鮮

醃茄入石綠數顆則切開不黑

食蒜與生薑棗子同食則不臭

洗象牙器或用荳腐渣浸擦或用人乳浸半日洗之

象箸油透插入芭蕉梗內則淨白如新

伽楠香枯以新荷葉包裹露過夜卽發香如新

寫石碑用皂角水調硃寫止不落

收藏食物

米中放螃蟹殼日久不生蟲

梨用蘿葡隔開

小蘿葡整用大蘿葡切開用

勿使相着用竹篋收藏

器 經年不壞屢試甚驗

香椽收法與梨同

橙橘以茱荳拌收經久不壞用松毛包藏三四月不乾用

有蓋新瓦罐每罐放一個密封藏樓上更可經久此法最妙

書中藏麝香又名七里香可辟蠹枝葉皆可用

筆用硫磺水浸過收藏不蛀或用川椒水貯筆套內

硯水當嚴寒時用荔枝殼煎湯或川椒煎湯寫字不凍

瓶花水夏日入火燒瓦一片不臭冬月入硫磺不凍

皮衣包裹緊密不使透風箱內四角各放浮水之蘆甘石

一塊可收濕氣永不生蟲

試井中毒

凡古井及五月井中恐有毒淘井者不可輕入先以鷄毛

投入試之毛直下者無毒回旋者有毒以好熱醋數斗傾入則可下矣

耐點燭法

黃蜡 松香 槐花 浮水石各壹共為細末鎔化用燈

心澆成燭一晝夜止點一寸

畱宿火法

胡桃壹個又核燒半紅埋熱灰中三五日不燼

各物污衣

凡衣被污壞總以先用滾水泡透再照後開各方加洗

墨污者飯洗或棗洗或燈草洗 黃泥污者薑汁洗 血

污者蘿蔔湯洗或小便洗 瘡毒膿血污者牛皮膠洗

漆污者先用油洗水搓再用杏仁嚼洗 藍靛污者杏仁

嚼洗 膏藥污者或用油洗或用滾酒或用竈心土 板

榔水污者白醋洗 酒醬醋污者藕汁洗 清油污者蜜

洗或蘿葡水洗 猪油污者栗子洗 牛羊油污者石灰

洗 桐油污者荳腐渣洗 烟油又名烟屎污者瓜子嚼洗或

用米洗

墨污絀綾皮棉衣服

滑石爲極細末和水調上乾卽掃去自除或用赤石脂末

更妙

墨汚紙絹書畫

燈草水洗

又方

礪砂

壹錢

百草霜

貳分

明礬

五分

用

鷄蛋

壹個

去黃留白將藥為末調和裝入鷄蛋內曬乾用

時塗字背面待半乾用指輕彈墨自落

去墨法

用西瓜一個半熟者約重三觔蒂邊開一孔入官礪砂

錢叁

五分礪砂

四錢

共為細末入瓜孔內將孔蓋塞懸一七白霜

自出以翎毛掃下又一七收取用時先將清水濕墨以藥

蘸上待乾用翎掃淨紙白如新

去硃法

黃瓜一條蒂邊開一孔入官礪砂一兩依上去墨法取霜

用之

書被水浸

揭不起者蒸片時可揭

去書畫雨漏痕

大甌中蒸片時取出曬乾至一二次後用物壓平其痕自

退十分之八

辟穢氣

零陵香草

生大黃各四兩

蒼朮

白芷各叁兩

沉香

藁香

山奈 辛夷 甘松各貳兩 共爲細末燒之大可辟穢

辟油漆氣

凡房屋器皿新經油漆者其氣難聞將菜荳煮滾取氣熏之其氣漸收或以菜荳汁洗之更妙

阿膠着物臭氣不退

墻壁舊紅對聯紙燒烟熏之即退

禽獸諸疾

鶴病 蛇床子和大麥煮熟喂之

鹿病 用鹽拌料荳喂之 豌豆亦佳

百鳥瘡 鳥飲惡水鼻生爛瘡甜瓜蒂爲末敷之即愈

百鳥翅足折損

喂以芝蔴仍嚼敷患處自愈

鷄病

眞麻油灌之立愈若中蜈蚣毒則擘茱萸汁灌之

鷄瘟

芭荳一粒搗極碎香油調灌入口卽愈又茱萸磨

粉水和成条喂數次愈

又生硫磺灌食極效

鴨病

眞香麻油灌之

犬病

以水調平胃散見內外備用諸方灌之

貓犬生癩

硫磺拌飯與食極效或用硫磺納猪腸內煮

熟喂之或用百部煎水塗之狗蠅多者以香油遍擦立愈

貓病

烏藥磨水灌之如被人踏傷蘇木煎湯洗小貓啼

叫不止陳皮擘末塗貓鼻卽止

猪病 割去尾尖出血即愈若瘟疫用蘿葡菜或同樟樹

葉與食之不食則難救

猪瘟 大黃 五錢 朴硝 五錢 共泡湯一罐傾出候溫竹筒

灌下瀉出毒即愈 又方 貫眾 參兩 猪牙皂 兩 壹貳水

四五碗煎二三十滾再用朴硝末三兩煮一二滾候溫

灌下亦效而愈

牛猪病 大黃 黃芩 黃柏 梔子 連喬 柴胡

蒼朮 各參錢 水三大碗煎一碗灌之自愈

牛羊猪瘟 牙皂 細辛 川烏 草烏 雄黃同燒灰

擘末吹入鼻中五六分即愈加射香二三釐更妙

附愈病法

凡人有病如照方醫治卽愈大屬妙事若患病危篤醫藥罔效不拘老幼但能放生百萬無不起死回生蓋放生延生事本一貫救生免死理自不誣無奈世人狃於師巫邪說殺生祀神者頗多言及放生則羣笑爲迂而不顧世俗皆然鄉農更甚殊不知人之與物知疼覺苦總是并般誠思物之將殺而望救何異人之將死而求生乎我能救物命於臨危而我命自必增延於欲絕理固必然報無或爽請以殺生祀神之費用以放生必能勿藥有喜也茲將放生可以愈病感應畧錄數事於後

武林周志學生八子六子俱夭死餘二子亦孱弱多病時
有不育之慮志學年逾五十心甚不快後至西湖遇一道
裝鶴髮童顏者謂日子若重有憂者周告以故且求小兒
延壽之方曰人物雖殊生理本一爲父母者於小兒生日
及每月本命日誠心爲之放生則生機相感命自我召生
兒永無夭殤之患志學謝之由是凡遇小兒生日及每月
本命日買魚鱖螺蛤雀鳥之類或一二三百文六七八十
文虔心放之甫一年二子竝彊健漸而成立志學徧告同
人仿而行者百試百驗心愈大誠妙事昔患流氣驚悸藥
嘉興李涵春舟泊鎮江夜聞蛙聲竟夕不寐黎明起視見

傍岸一船載青蛙數萬問之乃云販去江北賣者李心惻然盡買放之江濱及歸其妻言子病幾死於某日忽愈李驚喜因憶放蛙之日卽病痊之日也由是放生益力

長沙張裕後素行善事年四十歲患病夢神告曰子逾年當死能救活十萬命尚可延張驚醒卽廣買水族放生逾旬復夢神告曰子放生之數已滿命可延矣病遂愈由是放生益力壽至九十五歲無病而逝

杭州顧迴東敬事一神將迴東孫女痘危不治率子禱神將前子忽仆地良久乃甦曰適隨神將至一處云大士殿命我跪伏聞殿上語曰速召痘神張公少頃痘神至則一

童子約十五六歲向大士行庭參禮大士索冊視之應於
本月初六日子時死大士以筆判放生二字於下痘神辭
出有頭戴尖帽者二人及青衣數百人向痘神求保神曰
已知因以冊示我命歸卽甦是夕孫女痘卽轉不一日竟
愈蓋迴東於是日清晨途遇漁者得巨鼈及青螺數百買
而放之卽得是報